

BOKRESTE KHAHLANO

LE HO ADORA LISÈTO

 Ea hao ke ena. Nthoana ena ea momma. E neeletse . . . ? . . . U ntano li lokisa 'me nthoana ena . . . ? . . .

Kea u leboha, Moena Neville, Morena a u hlohonolofatse.

Lumelang metsoalle, hoseng hona. Ke monyetla ho khutlela tabernakeleng hoseng hona, ka hlasimoloho le ka thabo. Maoba ke ne ke sa khone le ho bua. Ke kenoe ke kokoana ena e tsekelang hohle, u a tseba, e kena 'metsong e u chesa lentsoe, empa Morena o nthusitse o ntoanetse boemong boo ke tle ke khone ho bua le lona hoseng hona.

2 Re thabile ha tabernakele e ntle e tletse 'me batho ba eme. Eka re ka fumana litulo tse itseng, ho li nea batho bao ba emeng. Re ka thabela ho li fumana, empa kea kholoa tsohle li tletse. Ke le tseba le sa batle ho tla tla lula le bana bana aletareng ebe le sheba nq'a esele.

3 Joale, ke matsatsi ke bala histori, 'me ka hopola hoseng hona sebakeng sa ho rera nka ruta Lentsoe la Molimo nakoana. Etsoe joale re ka tšoha re siooa ke nako, ka hona ke tla . . . bang ba lona le ka lulisana le ba emeng, kapa ho hong, ho tla itokela ha le ka—ha le ka e etsa hoo'me la ba phomotsa nakoana.

4 Joale metsoalle e mengata, metsoalle ea ka e a tla, ba bang ba tsoa hole, tlase koana Georgia, holimo Ohio, Tennessee, libaka tse fapaneng feela, Illinois, Missouri, Michigan, ba theoha ba tsoa Chicago, ho etela kopano e nyenyane ea tabernakele tjena. Ke motlotlo haholo ka batho bao. Ha se hoo feela, empa ke rata ho bua sena, ha se ho thahasella sa . . . empa ke ho thahasella Lentsoe la Molimo: bongata ba batho bao ha ba tle ba sa tšoara karolo ea bona ea leshome ho bo kenya kerekeng ho thusa.

5 Joale, eo ke metsoalle e tšepehang feela. U ke ke ua lebala batho ba joalo.

6 Ka linako tse ling ke tlameha ho bua ntho e ba khaolang likotoana, empa le bona seo e se bolelang. Ha u batle ho e etsa ka pelōng ea hao, feela Ntho e re, "Uena . . . e tšoanelia ho etsoa," ua bona, u tšoanelia ho e etsa.

7 Le ho ba bona ba etsoa ka makhalo oohle le—le ho leka ho sebeletsa Morena, le ho lumela tšebetso eo Morena a mphileng eona le ho tšepa ke le mohlanka oa Hae ke sa tl'o ba bolella letho le phoso, ka hona ka botšepehi bo shoetseng ke tšoanelia ho etsa hohle hoo ke ho tsebang ho—ho aloosa meeaa ea batho bao; ho ba tseba mona ba sa tlela ho bonoa, ba khanna lithabeng tse

mahloa le maralla, le ho theoha litseleng tse phetheselang, 'me bana ba bona ba haelloa ke lijo le ke boroko, le lisutikeisi tsa bona li robetse ka mora koloi. 'Me, u a tseba, ho thata.

⁸ Empa Bibele e buile ka batho ba joalo, koana Bukeng ea Baheberu, khaolo ea 11, "Kanthebo lefatše le ne le sa tšoaneloe ke ho ba le batho ba joalo." Ke—ke buile hoo ke tiile ho tsoa pelōng ea ka.

⁹ 'Me bongata ba bona bo mona New Albany le Louisville, le haufi ka mathoko, tlase Kentucky, le libaka tse fapaneng tse seng hole, empa koana ba tšepahala ho tla, ba khanna hara leqhoa, lehloa, le eng hape, ho fihla mona.

¹⁰ Joale, Sontaha se tlang ke lintši tsa Keresemose. 'Me ke ne ke hopotse ke tla...ke tšoaretse kereke molaetsa oa Keresemose, empa eaba ke—ke itloella bathoana bao, ke tšoanetse ho bolela haeba ba...ha nka fihla mona, mohlomong bathoana bao, bongata ba bona ba tsoa hole, ba tla fosoa ke Keresemose le lintho. Ka hona bathoana bao ba tla thatafalla. Empa pejana ke tsamaea...Joale, re...

¹¹ Kea tseba batho ba rōna mona ha re sa rute bana ba rōna tšomo ea Father Keresemose. Ha re lumele ho bolella mang leshano, le se ke la bolella bana ba lona leshano. Nyee e joalo, ke sehlohlolo sa tabakhopol, ha ntho e joalo efèla e ka tlatsa malulo a Kreste ka Keresemose.

¹² 'Me Keresemose e lahlehetsoe...Keresemose ha e esale ho rapela; ke mokete, ho noa, ho mokola, ho hloaela, ke bohetene ho fihla moeling. 'Me ha se... 'Me ke ne ke batlile ho...Mohlomong ka morao ho Keresemose ke tla boela ke bua ka Keresemose, u a bona, ho se time bathoana...Empa u ke ke ua bolella bathoana lintho tseo. Ba bona bathoana ba bang bosiu ba Keresemose ba fuoa limpho tsa Keresemose le lintho tse kang tseo, ha ba e utloisise. Ua bona? Feela ba... ba banyenyane haholo. 'Me re tlameha ho ba hopola, hore bona...ba kopanela lintho. Re tlameha ho itheolela ho hopola mathakanyana ao, hore bona ka bo bona...

¹³ Na ke kharumela haholo—haholo, moena, ebe na e bulletsoe haholo? Le nkutloa hantle morao mono, motše? Huh? Be butleng, ke atametse haholo. Maekrofone o phelang ke ofe, bobeli ba eona, oona le oona? Ke—kea kholoa o phelang haholo ke oane mane. Hoo—hoo...Joale, ho joang moo, o betere na? Joale ke botle, ke hantle.

¹⁴ Joale, bathoana bana ba tlameha ho utloisia. U a tseba, ke—ke bathoana feela, 'me le rōna re tlameha ho hopola re kile ra ba bathoana, hape.

¹⁵ Le bongoaneng ba rōna ke sa hopola, ba ne ba tsoa ba rema sehlahlia sa khale sa kedare nq'a e 'ngoe, 'mè a se hlome liqo a li potolose. E batla e le phetho sefateng. Empa linthoana tseo, likausu tse maharasoa li fanyehiloe mono feela... 'Me,

oh, mohlomong ebe o fumana... mohlomong khetsana ea lipompong tsa khendi, mekukutoana eo ea khendi, ('na ke fumane tse peli kapa tse tharō, le Humpy tse peli kapa tse tharō, le tse peli kapa tse tharō ho *enoa*), likotoana tsa khendi feela, re li boloke letšeare lohle, re li momona, u a tseba. Re li phuthele ka pampiri e sootho re li nokele pokothong ea rōna. 'Me haeba re fuoe bistolo ea khale, kapa-kapa phala eo re e letsang, e le ntho e kholo, e re thabise.

¹⁶ Kajeno, ehlile, ho fapane. Batho ba na le cheletana ba khona ho rekela bana ba bona linthoana, ba apara hantle, ba ja hantle, ba phela hantle. Le sohle—sohle ka tsela eo, kea lumela ba batla ba le betetšana, le tlas'a maemo a meputso ea kajeno. 'Me ka baka leo, mathakanyana ao, le tlamehile ho ba fa lethonyana.

¹⁷ Empa le etse bonneta ba sena kamehla, ba bolelleng hore Father Keresemose ha se ntho e teng, kaha e sa loka. Le leng la matsatsi ana ba tla tla ba re, "U re'ng ka Jesu, ka hona?" Ua bona? Ua bona? Ka hona ba bolelle 'Nete ke hona, u tsepahale ho mang le mang. Eba le 'Nete. 'Me, haholo, u ke ke ua bolella bana ba hao ntho e phoso, hobane ba tla hola ba re... Ba u lumela u le Mokreste, 'me ba u batla u... Seo u ba joetsang sona ba se lumela e le 'Nete. Kholiseha ho ba joetsa 'Nete ke hona, sohle se tla itokela.

¹⁸ Joale, ebile ke sa batlile ho fumana bosiu bo le bong ha nka khona, kapa letsatsi, tabernakeleng, pejana ke tloha ho kena lilemong tsa ka se tlang sa mose ho maoatle sa tšebetso... . selemo sa tšebetso, ke rialo.

¹⁹ Haele thato ea Molimo, monongoaha ke batla ho leka ho etela likopano tsa mose ho maoatle khafetsa, kaha ke utloa hlokahalo. Haholo Switz... koana Sweden le Norway, le boholo ba Scandinavia—linaha tsa Scandinavia, le tlase ho kena Asia. Ke utloa re tlameha ho rapella lintho tsena ka cheseho, re tšoanelia ho ithuta mokhoa oa Moea o Halalelang le kamoo A tla re tataisa, le lintho tseo re tlamehang ho li etsa.

²⁰ Ha ke ntse ke hlahluba nalane ea kereke ea ho qala, ea Broadbent, le ea Hazeltine, le littaleho tsa bona tse ngata ka eona, *Bontate Ba Nicene*... Maobane ke ne ke tšoarane le bophelo bohole ba Mohalaleli Martin boo kereke ea Katolike e hanneng ho bo tlota; ke Molimo o bo tlotileng. Ka baka leo ba... mabapi le bophelo ba hae bo boholo, le kamoo mehlolo le meeka e latetseng monna eo bophelong ba hae; kamoo a tsositseng batho ba babeli bafung, ho leleka meeaa e litšila, ho buoa ka lipuo tse sa tsejoeng, esita le ho bona lipono le lintho, e le senatla se se kakang sa monna. Empa, koana, sephiri sa matla a hae e ne e le boikokobetso pel'a Molimo. Kajeno re fumana kereke, leha koana e ruta matla a eona e ruta hore lipontšo li tlameha ho latela molumeli, koana re ba fumana ba ikakasitse, "ea moholo ke 'na, uena u monyenyan," 'me

hoo, ha e—e tšoane le Kereke ea ho qala, u a bona. Ba ne ba ikokobelitse, ba le mosa e mong ho e mong, ba le bonolo, ba utloisia. Kajeno ho fapane haholo. Kea ipotsa haeba sena se sa re faposa e—e setsi sa—sa Molaetsa oa makhonthe, hoo, re batla ho ikokobetsa. Le ke le ipoloke... Ha u ntse u ikokobetsa, Molimo o tla u sebelisa ho feta.

²¹ Ha ke ntse ke ithuta ka thutakhopolo le ka litabakhopolo tsena, Keresemose ka sebele sa eona ke tabakhopolo. Ha se... Keresemose ha e na bonnete. Bibebe ha eso bue le ka Keresemose, ha ba eso rapele letsatsi la tsoalo ea Kreste. Ntho e joalo ha eso be teng. Ke kakanyo ea kereke ea Roma e Katolike ha se thuto ea Sekreste, ha ho Lengolo la eona hohle ka har'a Bibebe le lilemong tsa pele tse makholo ka morao ho Bibebe, ua bona, ha ho letho la eona. Ke tabakhopolo feela. Father Keresemose, ke papatso, ntho eohle, ntho eohle ke polokoehali ea hlekemaneng.

²² Ha u ka khutla oa ithuta tšimoloho ea eona oa hetla morao joale, u tla bona moo re leng teng. Ha ho a sala letho, ha ho letho le ka thusang haese ho Khutla ha Morena. Ke phetho. Joale ha ho letho ho re thusa pherekanong ena haese ho Khutla ha Morena.

²³ Na ke eona konopo e sefang liteipi ee? Mohlomong nka mpa ka sesefa ntho ena eohle, ke sa e ntšetse kantle, hobane e hlile e khohlahetse. Empa ke bua sena ho... Na teipi e ntse e hatisoa hona joale? Le se ke la rekisa liteipi tsena, ua bona, liteipi tsena ha lia lokolloa ho rekisoa. Kereke e ka li alimana, kapa le joalo, empa... hoba ke... e ka tsosa pherekano, ruri ehlile bo. Ua bona? Le e boloke ho fihlela re e rala ka mokhoa o fapaneng.

²⁴ Joale, pejana re atamela molaetsa, le mang le mang a ntse a leka ho nahana le ho iketla ka bokhoni ba lona. Nke ke ka ea halelele, empa ke batla ho nka nako ea ka e le hore... ho e khokhothela, le tle le khone ho e bona. Joale, pele ha re ke re... Joale, haeba sohle se suthisitsoe tseleng, kea kholoa, ho latela...

²⁵ [Moena Neville o re litulo li sa le teng—Mong.] E, mafumahali ao a emeng ka thoko a ka nyolohela koano. Sebaka sa lona se teng mona likhaiseli. Yaa. Se seng ke sena hantle ka pele ka mona. Setulo ke sena hantle morao mona. Bana ba teng holimo mona aletareng, haeba motho a batla ho nyoloha 'me e le ngoana, ho suthela motho e mong, motho e moholo ea emeng. Khele, sebaka sa bana se teng mona hona e—hona aletareng, 'me motho e moholo a ka fumana setulo. Mafumahali ao a emeng ka mora tšiea mono. Haeba le... Ke morao mona khoneng, empa ke... ho molemo ho feta ho ema mono. Haeba u rata ho ema...

²⁶ Tse ling ke tsena kalaneng. Joale, ho lona baena le batlang ho nyolohela koano, bana bana ba... Se seng ke sena pel'a Moena Way. Tloo u nyolohela, le iphumanele malulo hantle mona, hore mang le mang... le ka ikutloa le le lapeng, ha u ikutloa u... ua

iketla hantle se ka lapeng. Sebaka ke sena hantle mona, Moena Shelby, holimo mona hantle kalaneng, haeba u batla ho nyoloha ho tla lula le rōna, holimo mona hantle. Le Moena Evans le Moena Charlie, le lona, setulo ke sena—sena mona hantle, le se seng hantle mona, le tse peli—peli hantle mona. U ka tla hantle, moena mono ea tsoang . . . ako nyolohe feela, u iketle re tle re fumane . . . ho khutsisa mang le mang ka khonahalo bakeng sa—bakeng sa tšebeletso, le tle le se khathatsoe la tepeletsoa ke ho ema.

²⁷ Lona baena ba bang ka morao . . . khaitseli motšeо ho holo mono, ea emeng morao mono tlase ho holo. U ka . . . sebaka se sa le teng. Se seng ke sena, motho a ka sebelisa setulo sa piano, haeba ba batla ho tla lula holim'a sona. Ho tla itokela. Ke bona mofumahali e mong motšeо mane a supa setulo se lephaka pel'a hae, ho itoketse ke hona. Le lule ka boiketlo kamoo le ka khonang joale.

²⁸ Joale ha re ntse re ipeha, ha re . . . E ka ba metsotso e mashome a mabeli, metsotso e mashome a mabeli a metso e meraro ka morao ho leshome, letsatsing lena la leshome le metso e supileng la Tšitsoe. Pula ea na ka ntle, mona Jeffersonville hoseng hona. 'Me—'me ka ntle ho hobe; empa re ikutloa re thabile ka hare, ho a babatseha, ho tseba hobane rea atamela, ho Khutla ha Morena ho atametse, Bosafeleng bo ntse bo atamela. 'Me re leboha Molimo ha re khona hoseng hona ho ema le ho abela molumeli, le mosalumele, Lentsoe la Molimo o phelang. Re tsepa e tla ba letsatsi le leholo la ho utloisia lintho tsa Morena.

²⁹ Joale ha re inamiseng lihlooho tsa rōna nakoana thapelong. E re re sa inamisitse lihlooho tsa rōna, mang ea batlang ho hopoloa, u ka phahamisetsa matsoho a hao ho Molimo, hopola qelo ea hao pelōng ea hao. Kea le leboha.

³⁰ Ntata rōna oa Leholimo, joale re sa le ka har'a tabernakele, bohle ba lutse, le maekrofounou o a phela, lihatisi li a hatisa, le Bakreste ba a rapela, liqelo li a tsebisoa. 'Me molaetsa oa kajeno esale ke u hlahloba liveke tse peli kapa tse tharō. Mantsoe a 'maloa feela ao Moea o Halalelang a ka sebelisang ho khokhothela sehloho lipelōng tsa batho, ba tle ba bone nako eo re phelang ho eona, le ho itlhophisetsa ho kopana le Morena Molimo. Re batla ho rapella bakuli ba rōna le ba mahlomoleng hohle.

³¹ Oho Jesu, hopola Kereke ea Hao, e leng Kereke e ka lefatšeng, pitikolohong ea lefatše hoseng hona, ba bang ba ka ntle merung, ba bang ba theohetse phuleng ea liqeto, ba bang ba holimo qhooeng ea thaba. 'Me bana ba Hao lefatše ka bophara ba itšepisitse ka Uena 'me ba bitsa ho Uena. Le joaleka Johanne oa khale, ea tsoang Sehlekehleke sa Patmose, a boletse, "Leha ho le joalo, tloo, Morena Jesu."

³² Ebile rea elelloa hore ba sera sa rōna se teng, kamehla se haufi ho sitisa le ho khina, le ho etsa sohle seo se se khonang.

Empa, oho Morena, abela bana ba Hao tumelo hoseng hona, matla a ho okamela sera, ho bula lipelō tsa bona le ho fetola moea oa bona tšimo ea mobu o nonneng moo ho ka jaloang Lentsoe la Bophelo, le ho hlahisa thabo e kholo le kotulo e batsi.

³³ Kea rapela, Morena, hore U hlohonolofatse Lentsoe la Hao le bahlanka ba Hao. Thusa kolu e tetemang ena ea ka ho ittisa ka tlolo ea Moea o Halalelang. 'Me moleng oa thapelo, aba matla le tumelo, Morena, ho se be le motho ea tšeremang har'a rōna ha re furalla moaho oona. Aba sena, Morena.

³⁴ Re tseba re phela nakong ea qetelo. 'Me re U kopa ho re sitsa joale re sa emela Uena 'me re bala Lentsoe la Hao. Re rapela ka Lebitso la Jesu. Amen.

³⁵ Joale ke tlil'o bala libaka tse peli kapa tse tharō Lengolong, kaha ke tsebisitse Sontaha se fetileng kajeno ke tla leka ho bua ka: *Bokreste Khahlano Le Ho Adora Lisèto*. 'Me ke sehloho sa rōna hoseng hona. 'Me, joale, ha ke moithuti oa thutabomolimo, ebole ha ke serutehi sa Bibele, ke motho ea sa balang ea ratang Morena Jesu ka pelō ea ka eohle. Ha ke itlalehe ke le moithuti oa thutabomolimo kapa ha ke leke ho tlatsa malulo a e mong, ke mpa ke leka ka boikokobetso ba pelō ea ka ho hhalosa lintho tseo ke utloang Moea o Halalelang a ntšenoletsa tsona, 'me ke tlameha ho li hlahisetsa kereke ea ka. Hoba khahleho ea ka ke kholo ea kereke ena, kereke ena e tle e tsepame moeeng. Ke khahleho ea ka kaha kereke ena e le khahleho ea Molimo, 'me khahleho ea Hae ke khahleho ea ka. Ka hona ke tlameha ho hlokomela sena.

³⁶ Ha ke bala boranalane ba mantlha, ea Irenease le bao, kamoo ba babaletseng kereke ea bona e sa silafatsoa ke lintho tsa lefatše, kamoo baruti bao ba fihlileng mono ba tiisetra Evangeli eo ka thata. Bibele mohlang oo eso ngoloe ka sebopeho sa rōna sa Eona sa joale, haese ho fihlela Hlabollo, eaba Luther o a e tlanya ka pampiri. Empa ba—ba ne ba bolokile ho bitsoang *Evangeli le Moapostola. Evangeli le Moapotola*, 'me ba tiisetra hoo.

³⁷ Joale, re batla ho bala libaka tse peli hoseng hona, se seng sa tsona se fumanoa Bukeng ea Jeremia, khaolo ea 7, le ho qala ka temana ea 10 ho fihla ho ea 18. Tulo e 'ngoe e fumanoa ho Liketso 7:49. 'Me haeba le batla ho tšoaea mohlolithero oa sena, kapa mohlolithero ho tsoa mona, Jeremia 7, e tla ba temana ea 18. Ke batla ho qala ho bala ho qala temaneng ea 10.

*Le ntano tla le ema ka pela ka ka tlung ena,
eo lebitso la ka le bitsoang ho eona, 'me le re, Re
namoletsoe athe ke hore ho etsoe manyala ana ao
kaofela na?*

*Ntlo ena, eo lebitso la ka le bitsoang ho eona, na ke
lehaha la masholu mahlong a lona na? Bonang, le nna
Ke e bone, ho bolela MORENA.*

Le mpe le ee leahong la ka le neng le le Silo, moo ke neng ke beile lebitso la ka pele, 'me le bone seo ke se entseng nqa ho lona ka baka la bolotsana ba sechaba sa ka sa Iseraele.

Joale, ka baka la hobane le entse tseo tsohle, ho bolela MORENA, etsoe 'me nkile ka 'na ka bua le lona, ke ntse ke tsoha esale hosasasasa, empa ha le a ka la 'mamela; . . . nkile ka bua le lona, empa ha le a ka la araba;

Ka baka leo ke ea etsa sena ntlu eo, lebitso la ka le bitsoang ho eona, eo le itsepetseng eona, le leaho leo ke le neang ho bontata lona, joalokaha ke setse ke entse Silo.

. . . Ke le lahle le tle le tlosoe pela ka, . . . Ke tla joalokaha ke setse ke lahlile banababo lona bohle, joalokaha ke setse ke lahlile banababo lona kaofela, e leng leloko la Efraime kaofela.

Haele uena u se ke oa lefella sechaba sena, u se ke oa rapella . . . sechaba sena, u se ke oa phahamisa le mohoo leha e le lithapelo bakeng sa bona, u se ke ua ntiisetsa 'na matla: hobane ha ke na ho u utloa.

Na ha u bone seo ba se etsang motseng ea Juda le literateng tsa Jerusalema?

³⁸ Joale ke batla ho khefutsa pele ke bala temana e qetellang ea sena. Ha nke ke qale hape joale. Molimo o khalema batho bana, ho thoe, "Haele uena u se ke ua ba rapella." E reng ke qale ka temana ea 16 le ho bala ho tsoella ka 18 joale. Mamela ka hloko.

Haele uena u se ke ua rapella sechaba sena, u se ke ua phahamisa mohoo leha e le lithapelo bakeng sa bona, u se ke ua ntiisetsa matla: hobane ha ke na ho u utloa.

Na ha u bone . . . Na ha u bone seo ba se etsang motseng ea Juda le literateng tsa Jerusalema?

Bana ba roalla patsi, . . . bontata bona ba besa mello, basali ba luba hlama, ho etsetsa mofumahali oa leholimo linkhoana, ba tšella melimo esele lino, ba tle ba mphephetse.

³⁹ Joale, ke lakatsa ho phetla joale Bukeng ea Liketso, khaolo ea 7, le ho qala ka temana ea 44, le ho balla tlase ho ea 50.

Bontata rōna ba ne ba na le tabernakele ea bopaki feelleng, kamoo ea buang le Moshe a neng a se a mo laetse kateng, ho e etsa, ka setšoantšo seo a se boneng.

Eitse hobane bontata rōna ba e neoe ba ea kena le eona nqa lefatšeng la Lichaba tseo Molimo o li lelekileng, ba e na le Jesu, 'me ea 'na ea lula teng ho fihlela mehleng ea Davida;

*A bona mohau ho Molimo, 'me a kopa hore a battele
Molimo oa Jakobo tabernakele.*

Salomone ke eèna ea u hahetseng tempele.

*Empa ya Holimolimo a ke ke a litempeleng tse
entsoeng ka matsoho; joalokaha moporofeta a boletse,*

*A re leholimo ke terone ea ka, 'me lefatše ke
bonamelo ba maoto a ka: ntlu eo le ka nkhanghelang
eona e ka ba e joang? ho bolela Morena: le nqalo eo
nka phomolang ho eona e ka ba efe?*

⁴⁰ Joale, le ka bona ho latela palo ea Lengolo, hore, moo ke tsetlehang mohopolo oa ka hoseng hona, holim'a "lisèto," pele, le ho qalisa. Ke ka seoelo ho ngoloa ka lisèto. Libuka tse hhalosang lisèto ha li ngata, seo lisèto li leng sona, leha koana lefatše le tletse tsena. Ke nahana lebaka la eona, ke ka hobane e hlile eso hhalosetsoe batho, ha ba tsebe seo e leng sona. 'Me ebile monyetla oa ka, le monyetla o moholo bophelong ba ka, ka ho hahlaula, ho bona tšebeletso e itseng ea lisèto, ho tseba seo e leng sona.

⁴¹ 'Me hape ka ho hlahloba lisèto, liveke tse 'maloa tse fetileng, thutokhopolo, thutokhopolo ea Gerike le thutokhopolo ea Maroma, e nkhatlisetsa ho bona haeba ba bolaile...ba sa bolokile ntho eo e phela, ho bona haeba ho adora lisèto ho sa ituletse joaloka qalong. Kajeno ho hahlauleng, ho bona ho adora lisèto; le ho bona mokhoa oa qalo ea eona, ho bala kamoo e qalileng morao mono... matsatsing a qalang; ke bona eso fetohe.

⁴² Joale, nkile ka etela India, India e tletse ho adora lisèto. Ba na le batsamai ba mollo mono le ba fapaneng...Ke nahana, thapama e 'ngoe ha ke ne ke fihla Bombay, ka na ka thabisoa thapama eo ke...kea...motha a mpolella, nke ke ka tseba na mang ke mang, keha ba kene tempeleng ea maJainse feela. 'Me nka re keha ho phuthehile leshome le metso e supileng kapa li supile, la litumelo tse fapaneng, ke tiile hore e ne e le litumelo tse fapaneng tse leshome le metso e supileng tse nkahlanyelitseng mono ho phephetsa Lentsoe, eo eohle keha e eme khahlano le Kreste bo tiile. Litumelo tse fapaneng tse leshome le metso e supileng! 'Me ba ne ba...Ba re rolisa lieta tempeleng, 'me ra kena, ba re lulisa holim'a mesamo. Ho qosa nakoana ho haola le malataliana oohle (kamoo ke e bitsang kateng) ao re ileng ra tlameha ho a phethisa. Empa ramotse a re kenya ka mono, eèna e le moHindu, e leng Mohammedane.

⁴³ 'Me Mohammed e ne e le moporofeta, 'me o tsoile lesikeng la Ishmaele eèna e le mora oa Abrahama.

⁴⁴ 'Me ke lesikeng lena moo moevangeli ea tumileng enoa lefatšeng kajeno, hono, a balehileng e mong oa banna ba mo phephelitseng ho kenela makhaolakhang a Lentsoe. 'Me, ho latela mohopolo oa ka, moevangeli o tlamehile a be a itse, "Ha

ke na lineo tsa pholiso, empa 'mele oa rōna oa balumeli o na le tse joalo. Ako mpalle lihora tse 'maloa, ke tla tlisa motho mona." Ua bona? Empa, ehlile, ka ho etsa hoo, moevangeli a ka be a ipepesitse ho mekhatlo e neng e mo tšehelitse, o ne a tla raheloa ka ntle.

⁴⁵ 'Me ha ke boela ke nahana, ha ke kholoe ke ne ke tla tlohela moetsalibe eo a hatikela Lentsoe la Molimo. Le holane ke fekisitsoe, ke ne ke tla ema mono ke supe tumelo ea ka le kholiseho ho Molimo hore O sa ituletse a tšoana. Joalokaha bana ba Baheberu ba boletse, "Molimo oa rōna o khona ho re loela seboping sena sa mollo, empa re ke ke ra khumamela lisèto tsa lona." Yaa, ke kholoa e ka be e bile ntho e khabane ho feta. Ebe hape ke...

⁴⁶ Erekaha e le ngaka e kholo ea thutabomolimo le ea tšekehileng Lengolong, ho latela boemo ba moevangeli e moholo eo, etsoe ke monna e moholo, kea kholoa nka be ke mo phephelitse Lentsoeng, hore Jesu e ne e le Kreste kapa che, kapa hore na Mohammede e ne e le moporofeta na, le ho e paka ka Bibele ea hae. Holane ka biletsoa hona (ka hara Bibele) joaloka moevangeli eo, ho e hhalosa, ke ne ke tla ikhethela kemo eo sebakeng sa ho e baleha le ho checha feela. Hoo ho supile... Hoo ha ho supe sebete sa Mokreste oa makhonthe ea ka e emelang mono, ho phela kapa ho shoa. Molimo a ka lokolla. Ke lumela nkabe ke mo qhololitse ka taba eo.

⁴⁷ Empa ba lebala ho hopola ka Bombay mohla monna oa sefofu mono, Bomohammede, mohla ba ne ba buseletsoa pono ea bona ka kopanong bosiung boo. Taba eo ha ba bue ka eona.

⁴⁸ Empa, leha ho le joalo, ka batho bana, ha se baikaketsi. Ke batho ba tšepehang, ba tšepeha joaloka 'na le uena, 'me hangata le ho feta rōna mona Amerika. Ha se baikaketsi. Ba lumela hoo ka ho tiiea 'me ba e hlakisa ka sohle se leng ka ho bona.

⁴⁹ E reng ke le qhetsolele lethonyana ka ho adora lisèto. Ke lebala lebitso la molimo eèna molimo oa batsamai ba mollo, empa ke sefika sa setonana se nang le nthohali, e kholo... sefahleho se kang sa motho, sefahleho se motšopo sa cameo, se linthohali, makhapetlahali a litsebe ho mamela libe tsa bona tsohle le lilo tse joalo. Le nthohali, li roetse masale a mahakoe a lirubi tsa litonana mono... tsebeng ea sona mona, hono, e le 'ngoe bonnyane e ka ja halofo ea milione, mohlomong; ekaba pheteletso, mohlomong e lekanyelitsoe ka tlasana. Empa, oh, sesèto sena se jere mahakoe a litjèho tse kholo!

⁵⁰ Moprista oa tempele o tlisa sehoai sa mofutsana, ha e a tlameha ho ba... oa tloaelo feela, ha e a tlameha ho ba motho ea ikhethang. Ke monna oa tloaelo feela, sehoai se batlang ho leboha molimo oa sona ka tjalo e ntle. 'Me, ka ho etsa hoo, o supa tumelo ea hae ho molimo ka ho tla tempeleng 'me ebe o hlohonolofatsoa ke moprista oa hae.

⁵¹ 'Me ebe ho... e ntano ba ho itokisetsa ho tsamaea har'a letša la mashala a botebo ba maoto a mangata le bophara ba maoto a mangata, a butšoetsoe ka libutšoeli ho fihlela a hlenne a le masoeu ke mocheso. Joale, hoo ha se boetsisi, ke 'nete. O tsoela pela sesèto, o ipolela libe ho moprista enoa, ba mo tšela ka metsi; metsi a halalelang, le lintho tse joalo, tse hlolonolofalitsoeng ke moprista.

⁵² Ebe moo, hangata, ba nkang huku e kholo, huku ea hlapi, e kholo, ea setonana, e—e boahlamo ba halofo inchi ho isa ho likotara tse tharo, ho tlaha e—e ntlheng ho isa mofenng oa huku. Ba ntano hokela bolo ea metsi, e kang ea mokhabiso oa sefate sa Keresemose, 'me bolo e nyenyane, e tlatsoa ka metsi ho eketsa boima ba eona. Ebe ba nka, bonneteng, likete tsa lintho tseo ba li totomela nameng ea bona, ba li hule. E re ha li kena, nameng ea bona, ba li hule, ba hlokoafletsoa ho khahlisa molimo oa bona, sesèto. Ha se baikaketsi.

⁵³ Hape, khafetsa, ba leketlisa leleme la bona ba le phunye ka tsenene e nang le ferekho ho eona, e phunyang leleme la bona e boela e hlahella koana nkong ea bona e li matahanye 'moho, ba rokella melomo ea bona ka likhareng haeba ho e na le...ba buile phoso. Ha se le hlokofatso eo!

⁵⁴ Ebe ba lula pela letšahali lena la mollo. Ba hlaba pōli, ho khotsafatsa sesèto, ho nyehela bophelo bakeng sa libe tsa bona. Ekare le ka utloa e—e lerata ha pōli eo e hlajoa. Ba ipolela libe holim'a eona ebe ba hlaba pōli, ho lahlela e...ba etsa mali ao pheko.

⁵⁵ 'Me haeba motsamai enoa oa mollo, haeba a tšoha a matha har'a mollo, o ikhulela sekhobo holimo. Empa o tlameha ho tsamaea butle le ka botsitso a parola mashala ana a mollo. 'Me ka linako tse ling botebo ba oona ke ba maoto a leshome le metso e mehlano, mashala ana a mollo. Ekaba maoto a leshome le metso e mehlano nkare botebo ba maoto a leshome le metso e mehlano hape nkare bolelele ba lijarete tse mashome a mararo kapa tse mashome a mane, nka re, oh, le bophara ba maoto a ka bang robeli kapa a leshome. 'Me a chesa hoo a leng masoeu. 'Me ha a apara letho haese sefahana, kapa tšeanyana e ithatikang e khaola bohare ba hae. A ntano tsoela mono, lintho tsena tsohle li leketlile ho eëna, a fopha mali, ka lilope tsa hlapi le ntho eohle e hometseng 'mele oa hae, a itlohokofatsa a be a itahe ho fihlela makoeba a masoeu a tšoehla molomong oa hae.

⁵⁶ 'Me ke enoa a e tla, a lukela mollo oo, a tsoelle ka nq'ané, a sa lemala, har'a mollo, mohlomong maoto a hae lukela mollong oa botebo (meomo) bo bokaalo, oa maoto a mabeli kapa ho feta ha a tsamaea, nama ea hae e foħla mashala ao a hlenneng tlere, a parole mollo oo a tsoelle ka nq'ané a sa tsoa kotsi. Ha u lekola maoto a hae, ha ho mongoapo kapa ho tlaboha.

⁵⁷ 'Me ka ho shebella, le ka ho nahana, efèla ha sehlabelo se lebisoang ho sesèto sa bosalumele, ka mali a pōli, ka tumelo e kana ho sireletsa mohetene mollong, ebe Mali a Jesu Kreste a ka etsetsa molumeli oa Molimo o phelang eng?

⁵⁸ Joale, ho adora lisèto ke ntho e hlollang. Esale re e fumana mengoaheng, haesale ho qala e...kea kholoa, qalong ea nako. Joale, tsamaiso ena ea ho adora sesèto ke ea monna ea emisang sesèto, ea hlophisang sesèto, ebe o kena ka hare ho itokisetsta tšebeletso ena e kholo. Joale, o lumela sesèto sena se bopiloe ka setšoano sa molimo o itseng oo a eso ka...ha eso o bone. Ha o na sebopoho, ka baka leo o lumela tšobotsi ea sesèto sena e le ea molimo oona.

⁵⁹ Joale, taba eo e se ke ea u phonyoha! "Setšoantšo" se entsoe ka setšoantšo sa molimo oa tabakhopolø ea tumelo ea hae.

⁶⁰ A ntano fihla ka pela sesèto sena a namalle, o lumela hore molimo e leng mothø ea sa bonoeng o itšela ka har'a sesèto sena, 'me o lumela a buisana le molimo ka sesèto sena, ho thoe molimo oo o theohela ka har'a sesèto a boele a mo arabele. 'Me bongata ba lona baruti ba hlahlobileng thutakhopolo... Ebile melimo ena, e kile ea loantsana, ba rialo, le ntho eohle, mehleng eo.

⁶¹ Joale, ka mantsoe a mang, molimo o ikhōkhōthèla o tsoa boemong ba oona bo mohlolo, ho qhomela ka har'a sesèto sena, le ho arabela morapeli ka sesèto sena. 'Me morapeli, ka ho fuluha tšisimoho ea maikutlo, o lumela sesèto se buisana le eëna, pelōng ea hae, 'me o tšoaretsoe libe tsa hae le eng hape, ka sesèto sena, taba e hlakisang hore eo ke liabolosi. Ke liabolosi ea etsang hoo.

⁶² 'Me ha ba etse lintho ba otlaka moea feela; ba bang ba bona ba etsa hoo, empa ba teng barapeli ba 'nete ba lintho tseo. Ho tea mohlala, nka le phethela lipale kamoo batemona ba ahileng ka har'a lisèto tseo ba entseng lintho tsa mefuta, ba ntša mali linthong, le ntho eohle ese. Bao—bao ke—bao ke batemona!

⁶³ 'Me haeba le sa lumele ho e...hore liabolosi o hlile o teng, ha u lumele Molimo a hlile a le teng. Ehlile, u tlameha ho lumela khahlano, mose oona le mose oane. Ka baka leo o teng liabolosi oa makhonthe, 'me eëna ke mothø. Hase *monahano*, ke *mothø*.

⁶⁴ Joale, e teng thuto e likolohang e re, "Liabolosi e mpa e le—e le monahano o mobe o u fihlelang." Che, che, ha se eona. Liabolosi ke mothø.

⁶⁵ Eëna mothø eo o lumela hore "Moea o Halalelang e mpa e le e—e le monahano o motle feela o u fihlelang." Empa le se ke la lumela hoo. Moea o Halalelang ke Mothø, Ke Mothø e leng Kreste ka sebopoho sa Moea.

⁶⁶ Joale, boralisèto bana . . . (Joale hlophisang Mangolo a lona kapa libaka tsa Mangolo. Nka tsoha ke—ke lebisa ho a mang nakoaneng, Mangolo ao, re ka tsoha re bala a mang.) Joale, boralisèto bana, ba namallang ka pel'a seseto, ba lumela hobane molimo oo ba o khumamelang o emetsoe ke sesèto sena. Joale, na le e tsoere, hore morapeli enoa ha se moikaketsi? O hlile o tsoere ho hong ka har'a sesèto seo, hobane se boela se khutlela ho eèna, o etsa ntho e itseng; o e fumana ho sesèto seo, ona ke molimo oa tabakhopol, hase Oa makhonthe.

⁶⁷ 'Me hangata liabolosi o kena linthong tseo. 'Me ka linako tse ling liabolosi o kena likopanong a iketse Molimo. Ketso ena ke e bone tshetsong ea ka ea lentsoe.

⁶⁸ Joale, hopolang, taba ena ke . . . hoseng hona re mpa re ruta. 'Me ke batla kereke ena, mohla ke fallang tshetsong mona ho kena masimong a kantle, ke le batla le lutse le molisa oa lona le tiisetse Thuto esale e rutoa mona. Lulang le Lentsoe lena, le se ke la Le tela! Le tiisetse Lentsoe ho sa tsottelehe se tlang le se tsamaeang, le tiisetse Lentsoe leo! Ua bona? Joale, ka hobane feela ke tsamaea . . . Mona ke e mong oa balisa feela. Moena Neville o ruta joaloka 'na, tloong kerekeng feela le mamele Lentsoe.

⁶⁹ Ha ke tsebe moo A tla nkisa teng. Ke boleletse mohats'a ka kajeno tafoleng, "Haesale ntho e tsetsela pelong ea ka lilemo tsena tsohle, ke tlil'o fumana seo e leng sona." Joale, ha ke tsebe na E tla nkisa kae, moo E tla leba teng, empa moo A mpiletsang teng ke tla latèla.

⁷⁰ Joale, ho adora lisèto, ho sa tsoelapele le kajeno. Re fumana . . . Ke fumana batho ba tlang aletareng, ba fupile lipolelo tsa bofou tsa baruti ba lifofu, ba reng, "Ako bulele feela, u lebale sohle, phophotha kelello ea hao e be lephaka. U tla fetoha Elia. U tla fetoha *sena, sane*, kapa se *seng*." Leshano le le kakang! Ha u ke u tla ho Molimo . . . Hoo ke ho bulela soulu ea hao meea eohle e fapaneng ea liabolosi ho kena. U se ke ua etsa joalo. U tsoanelo ho hopola hobane liabolosi o teng, 'me o etsisa Kreste ho fihla botsekeng, haeba e le ketso e ka etsoang.

⁷¹ Ke ne ke bala *Bophelo ba Mohalaleli Martin* nakoana e fetileng, eaba teng moshanyana, eèna e le moiitlami, o re Molimo o 'milelitse ho beoa e mong oa baporofeta ba khale, "Le nkutloe, ke e mong oa baporofeta ba khaleng." Ebile sekolo . . . Martin, ehlile, a sa batle ho mamela selo se joalo. Ba sa e lumele kaha bophelo ba moshanyana bo ne bo sa bape le eona. Qetellong a re, "Ke tlil'o le kholisa hobane ke bilelitsoe ho beoa moporofeta oa sekhaleng. Mothaka e mocha feela," ha thoe, "empa ke bitsitsoe."

⁷² Ua bona, "Lineo le lipitso ha li tlisoe ke pakó." Ua bona, ba kheloha Lentsoe, 'me ha u kheloha Lentsoe u tla kenela nyee efe le efe.

⁷³ Eaba moshanyana enoa o re, “Bosiung bona, ho ella khitla ea bosiu, Molimo o tlil’o nkapesa mantlele o mošoeu, ho lula har’ a lona ke o apere, ho ntšupa ke le moporofeta oa sekhaleng.” Eaba bao... bohole ba mamela bosiu boo, ho ntse ho hoeshetsoa, “kenang,” ‘me batho ba ntse ba tsamaea. Eaba moshanyana o fuoa mantlele o mošoeu. Eitseha moeti a tloha, ba kena ba sheba kobo eo, e le ea makhonthe, ea sebele, kobo e tšoeu, e le ntle haholo.

⁷⁴ Empa, mobishopo oa khale, a ke ke a amohela seo. E sa shebehe hantle, hobane, e ne e sa kheme le Lengolo (mantlele o mošoeu).

⁷⁵ Hoba a etse hoo, ba re, “Apara mantlele oona u tlohe ho ea itlhahisa pel’ a Mohalaleli Martin, monna eo oa Molimo.” Eaba o a hana. A hana ho itlhahisa pel’ a moporofeta oa makhonthe. A sa batle ho ema, ba mo qobèlla ho e etsa. Eare ba sa qala ho mo isa, mantlele oa nyamela oa ikela nq’ a e ’ngoe, ha ba tseba moo o ileng teng. Ua bona, ke ka nako ha e fetisoa ho makhaolakhang!

⁷⁶ Ha u tšoere gauta ea makhonthe ha u tšoenngoe ke hore e lokile kapa che, e mamella teko hohle. ‘Me Moea oa Molimo oa ’nete o tla mamella teko kahobane o lekiloe ke Lentsoe la Molimo. “Holim’ a lefika lena Ke tla haha Kereke ea Ka.”

⁷⁷ Ke bone batho ba tšoaroa ke iphaiphai, e le batho ba lokileng. (Joale le a bona hobaneng ke sa batle ha lebanta lena—lena le rekisoa.) Ke bone batho ba lokileng, e leng batho ba Pentekosta, balisa ba sa utloisiseng, batho ba tšoaroa ke liphai-phai ba haptjoa mooeng, le ntho eohle joalo, le—le ho etsa lintho, qetellong ba felle litulong tsa ba sa itekanelang. Ka baka la ho bulela pelō ea bona, batho ba sa tsebeng, eaba ho kena batemona ‘me a hapa sebaka seo. O teng liabolosi oa makhonthe!

⁷⁸ Ke balile mona moo e mong a tlileng... Kea kholoa e ne e le Irenease kapa Martin, e mong, (baithutoana ba Bibele ba tšekehileng ho mpheta mona), o ne a roetse moqhaka oa gauta hlohong ea hae, a apere mantlele o mosoeu, lieta li manehiloe gauta, ‘me ha thoe, “Ke Kreste, ako Mpake!” Mohalaleli eo o a hana. Moporofeta eo oa Molimo a ema mono, a ema nakoana. ‘Me ba bua le eena habeli kapa hararō, “Ke ’na Kreste, ako Mpake!”

A re, “Kreste oa rōna ha a tle ka mokhoa oo.”

⁷⁹ Ke hantle, u tlameha ho tseba Lentsoe! Tiisetsa Lentsoeng! Ua bona, ntoa e mahlo-mafubeli e atametse. Joale, re bapetse kereke lilemo le lilemo, empa hora ea Jannese le Jambrese ho hanetsa Moshe kamoo Bibeleng e boletseng e fihlile. ‘Me e tla ba ntoa ea moea, pètano. Ba bang ba tla tsoelapele, kereke ea bolumeli e tla tsoella e sotetsoe bolaoling le ho tloha e ikela kamoo e ntseng e tsamaea kateng. Empa ke re molumeli oa

sebele oa makhonthe o ntse a atamela mabala ao a ntoa, 'me u mpe u hlakeloe 'me u tsebe seo u se etsang, ho seng joalo u ka amohela moea o litsila u ntse u sa tsebe. Haele khahlano le Lentsoe lena, u se ke ua e lumela! Tiisetla Lentsoe leo!

⁸⁰ Ho adora lisèto, ho adora lisèto ke ntho ea khale, ke ntho ea khale mona United States. 'Me lilemo tse fetileng, maIndia a Peblo, le ka ntle koana Arizona, ba ne ba adora lisèto. 'Me, ke hore, bao—bao ba ne ba e na le molimo oa pula. 'Me molimo oa pula e ne e le...ba tšoara e—e khulu ea seretse, ba betle setšoano sa khulu ea seretse. Ebe ba se totomela litsenene hohle eke se tsoa seretseng. Ebe ba itihela ka pel'a khulu ena ea seretse, ba lumela hobane molimo oa pula o itšetse ka har'a lehaha lena la khulu ea seretse 'me o buisana le bona ka khulu ena ea seretse. Kahobane ba lumetse hore e...o ne a phela seretseng le mongobong, ka hona e ne e le molimo holima tsona. Ba ne ba e na le...ke thutakhopolo, e mpa e le e—e boetsisi-tumelo bo e tlalehang e nèpahetse.

⁸¹ Joale, ka ho etsa joalo ba ne ba obamèla batemona. Ho obamèla khulu ea seretse, ho thoe ke molimo oa pula, ba ikuhuletseng moea holimo, ehlile, kaha ba e buletse lipelō tsa bona. Empa e ne e le moea o phoso!

⁸² Kajeno batho ba bangata ba bulela lipelō tsa bona ntho e phoso! Ehlile u fumana moea, empa hangata o thulana le Lentsoe, ho thoe, "Matsatsi a mehlolo a fetile! Ntho *ena* le *eane* ha li eo." Hopolang, eo ke liabolosi ea ikhakantseng tlas'a Bokreste. Molimo o re thuse ha re kena tabeng ena ka mora nakoana, le tle le e bone, ua bona, hore ke moea o mobe o ikhakantseng tlas'a Bokreste. Empa ha se Moea oa Kreste, hobane Moea oa Kreste o tla Lentsoeng ka linako tsohle. O ke ke oa latola Lentsoe la Oona ka Sebele.

⁸³ Joale, mohla Bokreste bo ne bo fihla Roma, Roma, hona motseng oa Roma, keha ba bolokile litempele tsa bosalumele tse makholo a mane ka har'a lerako la limaele tse supileng. Litempele tse makholo a mane tsa bosalumele, 'me li reretsoe melimo le melimotsana. *Melimo le melimotsana*, "basali le banna." Melimo, e makholo a mane e fapaneng. Nahanang, makholo a mane!

⁸⁴ Joale, Pauluse o fumane hoo mohla a ne a fihla Roma. Ke seo Akilla le Prisilla ba neng ba se nkile mohla ba rongoang ba tsoa Pentekosta 'me ba thea kereke e Roma; ke sona seo ba keneng ho sona, bokhopo ba ho adora lisèto. Batho ba lebatooa la Roma ba ne ba ka etsa limilione tse peli, metseng e matahaneng ea Roma; ke hore, makhaba, le metsaneng e ka mathoko, le lilo tse joalo, batho ba ka etsang limilione tse peli. Empa marako a likileng Roma a le limaele tse supileng. 'Me ka har'a limaele tse supileng

tseo, hantle mosikong oa thaba, ho hlonnge litempele tse makholo a mane tsa bosalumele, tse khethetsoeng melimo le melimotsana ea bosalumele.

⁸⁵ Joale, mona ke rata ho bua nakoana ka nthoana eo ke e okhileng linalaneng, 'me mona ke tšoere e 'ngoe. Temalo ea bona ea ho kenela tšebeletso, ebe ba ne ba kenela tšebeletso joang? Mosalumele o ne a kenela tšebeletso joang? Sa pele a tlameha ho ea tempeleng a fumane moprista, moprista oa bosalumele. Ebe o mo nyehela chelete e kana, e ntano ba sehlabelo, phoofolo, ho khahlisa molimo a tilil'o buisana le oona.

⁸⁶ 'Me ka linako tse ling, ka har'a tempele e le 'ngoe, ho fumanoa molimo e fapananeng eona e feta bonngoe ka palo. Ho be le "melimo, melimotsana," le ntho eohle esele, ka har'a tempele e le 'ngoe.

⁸⁷ Ka baka leo moprista oa mosalumele... A ee ho eèna a mo nyehela cheletana, ebe moprista o khutla a mo neha kerese, kerese ea tloaelo feela ea tšotso. Ebe moo morapeli a kokosang kerese ena, hoba a lefe moprista, a kokose kerese ena a fetele aletareng e ikhethang ea molimo ona oo a batlileng ho buisana le oona. 'Me holim'a aletare ena ho makhiloe mollo, moo ho tlang ho chesoa sehlabelo. Maotong a sefika sena, tempele ea tonana ea bronze, kapa—kapa sesèto, ebe o nka temp-... kerese ena a e hotetse ka mollo oa aletare, mollo oa aletare ea sesèto, ebe o hotetsa kerese ebe o theohela maotong a—a aletare ka pel'a e—e sesèto, a behe kerese ena fatše. Hoba a behe kerese fatše... .

⁸⁸ Kea kholoa e le hore molimo ona o ikhethang har'a melimo eohle o tle o tsebe sefika seo o tlamehang ho itšela ho sona, u a tseba, ho khutla le ho buisana le eèna. Lebaka la kerese ke lefe, ha ke le tsebe. Empa ebe o hloma kerese fatše, e hotelitsoe ka mello e okhiloeng lialetareng.

⁸⁹ Ebe o tsoa a khutlela holim'a fuluru ea tabernakele, teng o namalla fulurung. A tšolle moea oa hae oohle, a inamolohe ka matla a hae oohle thapelong ea hae, a rapele molimo o moholo ona o ikhethileng, bolekisa-tumelo, molimo oa tabakhopolo, ho rapela molimo ona ho tla itšela ka har'a setšoantšo sena le ho buisana le eèna.

⁹⁰ Ke boletse "E mong oa babusisi o ne a khone ho namalla pel'a setšoantšo sa Apollose hona hoo a bileng a ipolela a utloile mantsoe a tsoang temp-... a hlaha ho—a hlaha ho sesèto, se boela se mo arabela." Ho inama a namalla!

⁹¹ Ntlheng ena u ka botsa, "Moena Branham, na o utloile lentsoe ka 'nete?" Ha ke belaele e etsahetse, empa e ne e le lentsoe la liabolosi. Ntho e kang Jupitere ha eso be teng, molimo, le melimo e meng ena eohle eo ba bileng le eona.

⁹² Empa ba ne ba namalla, 'me ba robale mono ba rapele, ba rapele molimo o mohlolo ona oo ba neng ba sa tsebe letho

ka oona, nakong eo moea oa oona o itšetseng ka har'a sesèto seo ba hopotseng se nkile tšobotsi ea oona. Ba ne ba o hahela setšoantšo, 'me ho oona ba fumane mohau.

⁹³ Ebe ba hlahisa nyehelo. Hoba a fehle maikutlo ana, o boela a nyolohela ho sesèto sena 'me khetlong lena moprista oa bosalumele o mo tliselitse lijo tse seng—seng kae le seno, a li behe maotong a sesèto. 'Me ebe... (Joale, kea... ke e ngotse lehlakung lena mona, ke ntse ke e bala teng hantle. Ua bona?) Ebe o hohobela maotong a sesèto sena, a tšoare nyehelo ena ea seno a se phoke, a boele a kome lijonyana, a ntano li tšollela maotong a sesèto.

⁹⁴ O ne a etsa'ng? O ntse a lalla le batemona; ho buisana le batemona, melimo le melimotsana. E mpa e le e—e papiso e maleba le ea Mokreste ea buisanang le Kreste, a ejal selallo. Ke oona mofuta oo kereke ea pele kapa eo bajaki ba pele ba Evangelii (ba fihleng Roma) ba o fumaneng, ba fumane batho bana ba kene tšebeletsong ea mofuta ona.

⁹⁵ Baale e ne e le molimo o tsoileng ka mahetla ka ho fetisa oa mongoaha oohle, oa lisèto, e ne e le Baale, (B, a habeli, 1, e), eèna e le molimo oa letsatsi. A bile a ena le e—e mohatsa'e, molimo oa khoeli, molimotsana, Ishtar, I-s-h-t-a-r, Ishtar. E boetse e qapolisoa, A-s-t-a-r-t-e, "Astarte." E manehiloe cheletaneng ea Roma. O ne a reiloe molimotsana, molimotsana oa khoeli, kapa "mofumahali oa leholimo, 'm'a melimo," molimo oa khoeli. Athe molimo oa letsatsi e ne e le Baalime.

⁹⁶ Be, eka bomosalumele bohole ba ne ba khumamela letsatsi leo. Ekasita re fumane maIndia a etsa hoo mohla—mohla re ne re fihla, ho fumanoa Amerika mona, mohla Amerika e ne e fumanoa. Ho tlide, bontate ba fihlile mona, ba ba fihletse ba khumamela e—e letsatsi. Hobane, lebakeng lena, ba ne ba khumamela hoo.

⁹⁷ Ba ne ba khumamela melimo le melimotsana joalo Roma, mohla Mokreste a ne a fihla Roma.

⁹⁸ Joale, ha ke ntse ke hahlaula, ke lemohile hobane ho adora lisèto ho eso fetohe. Le joalo Bokreste ba makhonthe ha bo a fetoha. Bobeli boo bo babaletse malulo a oona, ebile ho tla itulela joalo ho fihlela Morena Jesu a Khutla. Tabeng ena ke rata ho bua nakoana, le tle le fumane mohopolo oa eona, 'me ha u le motho oa moea ruri o tla e tšoara.

⁹⁹ Erekaha Baale e ne e le molimo oa letsatsi, be, linkhoana tse neng li apehoa... 'Me Jeremia mona o boletse, re buile nakoana e fetileng, ho thoe basali ba ne ba apehela Baale linkhoana, molimo oa letsatsi. Hobane, le tla fumana hamorao, ha re theoha ka khaolo, ha u ka e bala, hore ba itse, "Efèla ha re sa khumamele Baale lijalo tsa röna li ka phutsa, hoba Baale e ne e le molimo oa monontša." Ka mantsoe a mang, "Rea tseba hore letsatsi le melisa lijalo."

¹⁰⁰ Empa eaba moporofeta o a ba bolella, “Erekaha le furaletse Molimo, lijalo tsa lona ha li mele ke hona.”

¹⁰¹ Empa ba ne ba khumamela Baale, ha thoe ba tla “Khumama, ba mo hlahisetse linyehelo.”

¹⁰² Joale, efèla ha Baale e le molimo o khilikoe... (Joale, e tšoare, lentsoe ka lentsoe, 'me u tla e tšoara kaofela, ho fihlela qetellong ea Molaetsa ona)... molimo e ne e le molimo o khilikoe, molimo oa letsatsi, mono ba behile lipoleiti tse kholo tsa borase tse neng li halimisa letsatsi le tšoane le mollo. 'Me bohobe boo Jeremia a bo boletseng mona ho re ba... basali ba ne ba apehela Baale linkhoana tsena, tsona li ne li bopiloe bokhilikoe ba letsatsi. Be, ebile, li ne li robatsoa aletareng, aletare ea bosalumele, e le selallo, 'me li bopiloe bokhilikoe ba letsatsi kapa ba khoeli, hobane e ne e le molimo oa letsatsi kapa molimo oa khoeli.

¹⁰³ E... Baalime ka hona e le, re boletse, “Ke molimo oa monontša oohle, o melisa lintho tsohle.”

¹⁰⁴ Joale, kereke ea ho qala e ile ea tjamelana le hona mohla e ne e kena Roma. 'Me ho thoe ebile kereke ea Roma e a lumela, kapa eona kereke ea kajeno, kapa kereke ea Roma e Katolike, e bitsoang “Katolike...”

¹⁰⁵ Rôna bohle re *katolike*. Re Kereke ea katolike, re katolike ea boapostola. *Katolike* e bolela “e ka lefatšeng lohle.” 'Me rôna re Kereke ea Tumelo ea boapostola eka lefatšeng lohle. E, monghali. Phapang e teng lipakeng tsa likereke tse peli; e 'ngoe ea tsona e ne e le katolike, e ka lefatšeng lohle, ea *boapostola*; e 'ngoe e ne e le *Roma* ea Katolike.

¹⁰⁶ 'Me ho thoe Petrose... kapa ba lumela joalo, hore Petrose ke eëna ea theileng kereke ea Roma. Ke batla Lengolo, ke u batla u supile sebaka moo u ka tlalehang Petrose a kile a hata Roma tlas'a maemo afe. Ho latela polelo ea kereke ea Roma, “O hlotse mono ho qala ka 41 ho fihlisa ka 46.”

¹⁰⁷ 'Me, ka eona nako eo, 'musisi e ne e le Klaudiase Roma, eëna ea lelekileng Bajuda bohle. Balang Liketso, khaolo ea 18, 'me le tla fihlela Pauluse, mohla a ne a nyolohela Efese, o fihletse Akilla le Prisilla, bona e le Bajuda, ba ile ba ntšoa mehleng ea hloriso, 'me ba se ba ba khutletse mona Palestina hobane Klaudiase a ne a laetse Bajuda bohle ho falla, e leng Bakreste le ba moetlo. Akilla le Prisilla ba ne ba thee kereke Roma, 'me ba tlameha ho tsamaea ka baka la ho hlaha ha Klaudiase, eëna a nkile kereke eohle... kapa a ntšitse Bakreste le Bajude bohle Roma.

¹⁰⁸ Joale, “Petrose e leng mobishopo oa kereke,” 'me nka le supisa Lengolo, ho theohela tlase bonnyane lilemong tse ka etsang mashome a supileng, moo ho tlalehoang Petrose a eso tsoe Palestina. Hantle ka har'a Lengolo! Athe le re “Petrose o

bolaetsoe Roma, le hloho ea Pauluse e khaioletsoe Roma.” Eo ke tšomo. Ke balile tlaleho tsohle tsa babolaeloatumelo tseo nka li tholang, ha ho le e ’ngoe e tlalehang letho malebana le Petrose kapa Pauluse (mang oa bona) a bolaetsoe Roma. Har’ a littaleho tsa hosasa tse kholisitsoeng tsa babolaeloatumelo tseo re ka li balang, ha ho le e ’ngoe e buang letho ka eona. Ha a eso etse hoo! Ke tšomo.

¹⁰⁹ Ke tlide mona ho pepesa bosalumele, ka baka leo rea—rea etsa hoo ka thuso ea Morena le ka Lentsoe la Hae, ua bona, ho le bontša feela kamoo kereke e leng kateng. Le ntse le hloliea ka “Katolike!” empa emang metsotso e ’maloa feela.

¹¹⁰ Joale, joale, re fumana ka mora hoba Akilla le Prisilla (ho latela Lengolo) ba ntšoe Roma, kerekana ea sala e le khutsana, ho setseng ka mono e le bomosalumele ba sokolohileng ba tlileng ba kena kerekeng ea Roma ea Bokreste, kereke eo ea hosasa eo Akilla le Prisilla le lelapa le leng ba neng ba thee kereke ena ’me ba e noselitse.

¹¹¹ Ebe re fumana, hang hoba ba tsamaee, ba itlhomela libishopo tsa bona ba inkela thuto ea bona, eaba ba amohela... ho fuoa mohau mahlong a ’musisi, Konstantine le bao ba tlileng hamorao, ho fumana mohau, kaha ba ne ba tlameha ho kenya litho ka mono ho ema ba ngomelane hantle le sechaba sa lipolotiki. Ba kenya litho tsa kereke, ba ba kenya feela ka (“phethahalo”) boipolelo, ba sa tsebe letho ka Molimo joalokaha batho bana ba Amerika ba etsa kajeno; maipolelo feela, ho paka Kreste ho bona e ne e le mothamohali o ba sitang, e leng Molimo o mong ka thoko ho molimo oa bona. ’Me ka mono ba hloma, ba kenyaletsa molaotheo oa kereke, e leng litšebeletso tsa bosalumele.

¹¹² Joale, moprista oa Roma, eaba ba hloma sena ka ho nka le ho etsa selallo. Ntho ea pele ea eba ho etsa selallo. Sebakeng sa liphasel tse ngoathiloeng tse kang ’Mele oa Kreste, ba bo bope *khilikoe* joaloka letsatsi kapa joaloka khoeli. ’Me se sa le khilikoe ho fihlela lena! Ehlide. Esale bohojana bo *khilikoe*, ’me hase sekoto se ngoathiloeng sa ’Mele oa Hae. Bo *khilikoe* bo boreleli. Kajeno baprista ba Roma ba robatsa bohojana bo *khilikoe* bona holim’ a aletare ba bo bitsa “’Mele oa Kreste ka namana.”

¹¹³ Joale, khang e kholo e tsohile lipakeng tsa maEscopalicane a mang ana a maholo, le bao ba joalo. ’Me kereke ea Katolike holim’ a sehloho seo, hore na ebe ke ’Mele ka *namana* le kapa hore na ebe bo *lekanya* ’Mele. Roma e Katolike e re “ke ’Mele ka *namana*,” hobane e ne e le ’mele oa Baale ka *namana* (molimo oa letsatsi) ea ikhalimisitseng holim’ a sekoto seo sa borase ’me bo bopiloe *khilikoe*. Ha ho tafole ea Bokreste e beiloeng bohobe bo *khilikoe* holim’ a eona!

¹¹⁴ Eaba ba batla ho talima bochabela, le lintho tse joalo, kamoo ba sebelitseng tšebeletsong ea bosalumele; le ho

kenya basali, le lintho tse joalo, kamoo esale ba etsa, joaloka bosalumele ho molimotsana, le lintho tse joalo. Joale eaba ba theola Astarte 'me ba nyolla Maria, ba mo etsa mofumahali oa leholimo. Ba theola Jupitere 'me ba nyolla Petrose. 'Me ba tlameha ho qapa tšomo, ho etsa hoo ba ile ba fumana . . .

¹¹⁵ Mohla Akilla le Prisilla ba khutlang, hoba ho fete lilemo tse leshome le metso e merarō tsa ho busa ha Klaudiase, ho khutleng ha bona ba fihlela kereke ea bona e inehetse ho adora lisèto ka bottlalo, empa e holile e le morapamahali oa motonana, oa selohali.

¹¹⁶ Ho kenya sena ka hare, ba tšoanelia ho tlosa Bibele ka bottlalo. Joale, 'na ke moIrishi, ke tšoere seo ba se bitsang *Linnete Tsa Tumelo Ea Rôna* e leng ea moprista a 'notši, le ba joalo. 'Me ke tseba sena, ka lipuisano le baprista, moprista ha a phehisane le uena ka Bibele, ho èèna Bibele ke buka e 'ngoe. Mohla Mobishopo Sheen a ne a bua, mona lilemo tse ka bang peli tse fetileng, ho re "Mang le mang ea lekang ho lumela Bibele, eka ho lukela metsing a seretse." Ha ba lumele Hoo! Ba ne ba qale hona mono 'me ba itse, "Molimo o kerekeng ea Oona, ha o Lentsoe la Oona."

¹¹⁷ Moprista holimo mona tseleng, ea na a tletse hlahlolo ea puisano haufinyane, holimo mona Pelöng e Adorehang, o ile a mpolella . . . kapa kereke ena e holimo tseleng, kea lebala na ke eng. Kea kholoa e bitsoa Pelö e Adorehang. O tlie ho 'na ka kolobetso, Mary Elizabeth Frazier ea na a oeles mohaung a boela a fetoha Mokatolike. O itse, "Na u mo kolobelitse?"

Ka re, "E."

Ho re, "U mo kolobelitse joang?"

Ka re, "Ka kolobetso ea Sekreste."

A re, "U bolela ka mokhoa ofe?"

Ka re, "Kolobetso ea Sekreste e 'ngoe feela."

A re, "U bolela'ng, ka ho qoelisoa?"

Ka re, "E, monghali."

¹¹⁸ A re, "Ana u mo qoelisitse ka lebitso la 'Ntate, Mora, le Moea o Halalelang'?"

¹¹⁹ Ka re, "Eo ha se kolobetso ea Sekreste." Ka re, "Kolobetso ea Sekreste ke ho qoelisoa ka Lebitso la Morena Jesu Kreste."

¹²⁰ Eaba o e ngola fatše. A re, "Na u ka hlapanya, hape, kapa oa anela mobishopo tlaleho ena?"

¹²¹ Ka re, "Haeba a sa lumele lentsoe la ka, a ka ikela e sa etsoa." Ka re, "Ha nke ke ana ka letho." Ua bona? 'Me a re . . . 'Me ka re, "Hase ho khohlaha, monghali, empa Bibele e boletse, 'U se ke ua hlapanya ka maholimo leha e le ka lefatše, hobane ke bonamelo ba maoto a Hae,' le joalo. Ha rea lokela ho etsa hoo."

¹²² A re, “Ho a makatsa, kereke ea Katolike e kile ea kolobetsa joalo.”

Ka re, “Neneng? Neneng?” Ua bona? Empa ba re ba entse hoo.

¹²³ Hobane, bonneteng, e ne e bona, ’me bohle re ne re le bang tšimolohong, ’me e . . . qaleho—qaleho e tsoa Pentekosta. Eo ke tsimoloho ea kereke hohle, eo mang le mang a ka buang ka eona. Kereke ea Bokreste e qalile Pentekosta, ka bophihlelo ba pentekosta, batho ba pentekosta, kolobetsa ea pentekosta. Tsohle li tsoa kerekeng ea tšimoloho mane Pentekosta.

¹²⁴ Joale, lemohang. Joale, re ba fihlela ba ne ba tlameha ho fapoha thuto ea Bibele ho hloma lintho tsena ho khahlisa babusisi le ba joalo, ho sotetsa bosalumele.

¹²⁵ Joale, shebang. Petrose e ne e le moJuda. Na ho joalo? Le hopola Mohalaleli Petrose a ne a ka ananela mohopolo oa ho emisa lisèto ka kerekeng, moJuda ea na a haneloa le ho talima sesèto feela? Na le mo hopola a na a ka etsa hoo? E seng Petrose! Le mo hopola a na a ka re, “Lingoloa tsa ka tsohle morao koana li ne le fosahetse tsohle, joale ke tlil’o li lahlela fatše. Ke tlil’o phela ka har’a kereke ena ea Roma ke le moea, ’me ke tlil’o ananela . . .”?

¹²⁶ Be, ekaba ke monna ea fetohileng hle. Ka baka leo, ho etsa hoo, ba lokela ho iqapela tšomo e reng “Petrose o epetsoe kahara kereke ’me o ba sietse Melao eohle, ’me ke bona kereke ea mantlha ea Katolike.” Ha se bona! Ha ho Lengolo, ha ho histori leha e le letho ho kholisa hoo; ha ho letho. E ne e se bona.

¹²⁷ ’Me moprista eo oa mosalumele oa kereke ea pele ea Roma o itšoanelia le oa kajeno. Ba lumela hobane bohobe boo ke ’mele oa Kreste, hore ka mokhoa oa horenge Kreste o theoha a qhomela ka har’a sengoathoana seo sa bohojana bo robetseng aletareng (boo litoeba li ka bo thotang ka bosiu). Ua bona? Ho lumela . . . ’Me ke ka baka leo Katolike e lumelang u tlameha ho ea kerekeng ho khumama, hobane “Molimo ke kereke ea bona.” Ke ka baka leo ba inamang ba etsa pontšo ea sefapano, pel’ a kereke, hobane “Sengoathana seo sa bohojana ke Molimo.” Hase letho haese papiso ea Baalime molimo oa letsatsi, ha ho Lengolo la eona ho hang! E, bohojana bo khilikoe boo bo robetseng holim’ a aletare.

¹²⁸ Joale, ka baka leo, ha ba ka ba amohela thuto ea Bokreste e reng . . . Irenease, Polikapo, le baena bao ba hoseng, Pauluse. Rea fumana, morutuo a moholo ka ho fetisa e ne e le . . . ea phetseng halelele ho feta, e ne e le Johanne. O kile a lelerisoa lilemo tse tharo, ka ntle koana Patmose, ka hobane a ne a e na le sekolo. O ne a hlahisa kapa a hlophisa Lentsoe la Molimo, a Le kopanya, Liepistole ’moho. Ba fumana eèna le barutehi ba hae ba etsa hoo, eaba ba mo leleka ka lilemo tse tharō (a ntano khutlisoa ka mora lefu la ’musisi), ’me a ngola Buka ea Tšenolo.

¹²⁹ 'Me le bua ka "Molimo ka har'a kereke ea Oona kapa Molimo ka har'a Lentsoe la Oona?" Bibele e itse Lentsoe ke Molimo.

Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo.

'Me Lentsoe le ne le etsoe nama, la aha har'a rōna, . . .

¹³⁰ Ntle le moo, thuto efe ea kereke, e ka bang Baptise, Presbeteriene, Methodise, Pentekosta, efe le efe, e sa tiisetseng Bibeleng ena letere ka letere, e fosahetse! Hoba Johanne o buile Sehlekehlekeng sa Patmose, Moea o Halalelang, kapa ke Kreste ea buang le eëna, ho boletsoe tjena, "Ekare ha e mong a fokotsa letho Mona kapa a eketsa letho ho Eona . . ." Ebe le ka eketsa litšoantšo tsee tsa tšebeletso ea lisèto tsa bosalumele joang, ho bopa melimo e meraro ka a le mong Mong eo, le linyee tsena tsohle tsa bosalumele tse sa kang tsa rutoa ke kereke ea hoseng 'me e kile ea ema khahlano le eona?

¹³¹ Lekhotla la Nicaea, hore E ne e le linthro tse tharō kapa ntho e le 'ngoe, khang e kholo, bashoelatumelo bao ba fihlile mono, ba bang ba bona ka—ka . . . Thaka le leng, e—e bishopo, bareri ba pentekosta, ka lebaka la ho beha ba kulang matsoho, ba kile ba phunya sephaka sa hae ka tšepe e hlenneng ba tasöllela sephaka sa hae morao *tjena*. Ba bang, ba ntse ba eme, ba tšoare sabole ba honye mahlo a bona, ba tšoana le sehlopha sa bashoelatumelo se kileng sa emela Lentsoe lena! Alleluia! Ba tsoakile mali a bona le a baporofeta ba khale. Lentsoe lena, moena, Ke Lentsoe la Molimo.

¹³² Mohla basalumele bana ba ne ba sokoloha, ba sotelitse litšoantšo tsena Bokresteng. Ha ba sa sebelisa Bibele, hobane Bibele e pepesa ntho ena. 'Me le kajeno ba tla u bolella hantle hore ha ba na . . . ha ba lumele Seo. Ba re, "Ho itoketse, empa kereke ke Lentsoe le phahameng."

¹³³ Be, re fihlela ntho eo ho Pentekosta. Le se ke la hloliea ka "Katalike," athe le rōna re molato ha kaalo, eona Methodise, Baptise, le efe le efe ea tsona.

¹³⁴ Lona Bamethodise, le halalelang ha kana, hobaneng le bolaile Joseph Smith? Ena ke Amerika e tšeheatsang tokelo ea borapeli. Ha ke lumele seo Joseph Smith a se buileng, empa le ne le se na tokelo ea ho mo bolaea, hantle, eona Mormone.

¹³⁵ Lona Mabaptise, le kubutile linthro tse kae? Kaofela ha lona?

¹³⁶ Le Pentekosta, le molato joaloka ba bang bohle, le fetohile hempe e hlohluoeng le mphi ea boikaketsi. 'Me sebakeng sa boikokobetso le matla a Moea, le nkile Lentsoe ka ntle ho Moea. 'Me le hlahisa kotsi e fetang holane la itšoanelia le ba bang. Morao litšebeletsong tsa bona tsa

bosalumele le babaletse mehopoloana ea mefuta eohle ea botrintase, le nyee ena eohle, le ka sitoa ho e paka ka Lentsoe. Lentsoe le khahlano le eona. Ho haula hakakang, ho haula hakakang!

¹³⁷ Mohla ba ne ba bopa kereke ea pele ea Roma, Bokreste, ba ne ba tlamehe ho hlala Bibele; le ho thonaka litšebeletso tsena, ho ka fihlela hoo, ba tlameha ho haha holim'a motheo o itseng, ka hona ba itse, "Petrose e ne e le mopapa oa pele oa Roma. 'Me le joale esale eèna," ba rialo. Be, ha re re e ne e le eèna, na Petrose a ka honyetsa Mantsoe a Pentekosta? Na le ka nahana ka moJuda ea hlomang lisèto?

¹³⁸ Athé nka le pakela ka Lentsoe le ngoliloeng le tsoa Bibeleng, oona matsatsi le lilemo, hore Petrose ha eso tlohe Palestina le ka mohla ('me a theohetse Babilona a iphapitile ka Eufrate), ha a eso fihle Roma, ho ea ka Mangolo, HO RIALO MORENA! Ntho eohle ke mohopolo oa bosalumele.

Joale re tlil'o e hotölla re e kenya hantle ho Boprotestanta.

¹³⁹ Shebang Pentekosta, e sitoang ho nka Lentsoe. Ha u tiisetsa Lentsoe leo u nepile kamehla; ha u sutha Lentsoeng leo, u tla ea hohle.

¹⁴⁰ Nakoana e fetileng mona kopanong e kholo ea sekolo sa Pentekosta, mosali o kile a tlola, a bua ka lipuo, a sitisa memo ea aletare. 'Me bosiu boo ha ke kena, Billy a nkahlanyetsa ka ntle koo, a re, "U a tseba ke'ng? Mosali eo o ipoletse a tlil'o ntša molaetsa o mong bosius bona."

¹⁴¹ Eaba ke sheba mosali eo (a pomme moriri, mose o mo khamotse eka o horometse ka ho oona, a lutse mono a ntse a lokisa moriri oa hae, a nyolla likausu tsa hae), ka tseba hobane o tlil'o tlola. Eaba o a tlola, ka re, "Lula fatše." A tsoelapele. Ka re, "U a nkutloa na? Lula fatše!" Oh, khili.

¹⁴² Ha ke tsoa bosius boo, mathaka a mane kapa a mahlano a kopana le 'na ka ntle le eèna a le teng, ha thoe, "U soabisitse Moea."

¹⁴³ Ka re, "Moea ofe oo ke u soabisang ka Lentsoe la Molimo o tšoanese ho soabisoa." Ka re, "Ana Bibele ha e bolele hore meeaa ea baporofeta e busoa ke moporofeta? Haeba a fèla a paka, etsoe boporofeta e le-le... Ho bua ka lipuo ke boporofeta haeba e koaholotsoe." Ka re, "A ke a nkemele ho fihlela ke qetile, ebe hona a ka se ntšang."

A re, "Empa u ntse u ruta Lentsoe."

Ka re, "Ke sona seo ke se emelang."

¹⁴⁴ A re, "O ne a tšoere se secha le sa morao-rao se tsoang Leholimong, ntho e fapaneng le Eo." Haeba e se ho khutlela morao ho Boroma ba Katolike ha ke tsebe seo e leng sona!

¹⁴⁵ Lentsoe la motho ebe leshano le moea ofe ebe leshano, athe Lentsoe la Molimo lona ebe 'Nete. Lentsoe la Molimo le tlide pele!

¹⁴⁶ Bothata ba eona kajeno, ba fupile litšenolo tse ngata le lintho tsa bohata. Ke hona ho namalla ka ntle mono le ho bulela batemona pelō tsa bona, sebakeng sa ho tiisetsa Lentsoe la Molimo. Bothata bo itšetlehile moo, taba ke eona eo. Batho, ka botšepehi, ba tiisetsang, batho ba lokileng, empa ha u khone ho ba borella. "Be, rōna batho ba Pentekosta, re lumela sena." "Rōna batho ba Baptise, re lumela sena."

¹⁴⁷ Ke lumela Sena hobane E le Lentsoe la Molimo! Ke phephetsa mang le mang ho ntokisa ho Lona. Ua bona? Ke hantle. Lena ke Lentsoe! Tiisetsa ho Sena, Sena se nepahetse!

¹⁴⁸ Eaba ba bopa kereke ea pele, kereke ea pele ea Roma e Katolike. 'Me sebakeng sa ho bitsa e... eèna *bishopo*, etsoe esale ba mo bitsa hoo, joale ba mo bitsa "Ntate." Le joale ba sa e etsa. 'Me mona ba re, "Le tlamehile ho e amohela, hore bohojana bona ke 'Mele oa Kreste. 'Me, ebile, moprista ke molimo, kaha Molimo a tlamehile ho mamela lentsoe la moprista le fetolelang bohojana bona 'Meleng oa Kreste ka nama." Banna ba masene ba e lumella ho sutèloa 'metsong oa bona! Oh, khili! Oh, kamoo...

¹⁴⁹ Empa barapeli ba sebele, libishopo tsa sebele, li ile tsa tiisetsa Lentsoe. Ba ne ba lutse hantle mono Lekhotleng la Nicene, ba tiiselitse Lentsoe leo hantle mono. E, monghali. Ba kene joaloka bashoelatumelo, ntho efe eseles, empa ba tiisetsa Lentsoe leo. Ba sa batle tšebeletso efe ea lisèto.

¹⁵⁰ Ke batla mang ho ntšupisa moo Mohalaleli Patrick e kileng ea eba Moroma oa Katolike. Ntho e joalo ha e fumanoe! O ne a hanyetsa kereke eo ea Roma. E ne e le motooola oa Mohalaleli Martin. Ke ne ke bala mona, e le mosali ea ngotseng e... Hazeltine, Mof. Hazeltine, *Liqotso tsa Lekhotla la Nicene*, ho thoe o ile a ea likareteng tsa Oxford ho fumana e-e karete ea, ho nka, *Bophelo ba Mohalaleli Martin*, eaba thaka lena le re, "Empa ha a ananeloa ke kereke ea Roma." Ehlide lekhale, o ne a eme khahlano le eona! Le Mohalaleli Patrick o entse joalo. Monna ea neng a tiisetsa Lentsoe la Molimo ba ba ba haha likolo tsa bona, ba ile ba sutha linthong tse kang tseo.

¹⁵¹ Joale, rea fumana, le kajeno ho a tšoana. Kereke ea Roma e sa tsoeletse hantle ka basekeiti ea bona e khilikoe, ba lumela Kreste a theoha a qhomela ka har'a eona. Le boele, le mamele, na lea tseba hobane moprista o noa veine? (Athe, e mong o tlameha ho neeletsa e mong, "Eaba o ba neeletsa senoelo ho noesana.") Empa, ka mokhoa oa bosalumele, moprista o noa veine. Ua bona? U sa ntse... Ntho eohle ke bosalumele! Hantle ka nèpo. Ha ba tsotelle.

¹⁵² Ba tla u joetsa, “Ha ke bue le uena ka Bibele.” Moreri eo, kapa moprista, o kile a mpolella holimo mono, ha thoe, “Mongh. Branham, u ntse u leka ho bua ka Bibele, ke ntse ke bua ka kereke.”

Ka re, “Molimo ke Lentsoe!” Hantle. Joale, ho lokile.

¹⁵³ Tabeng ena rea fumana, ho fihlela lena, ke ka hona kerek ea Roma e Katolike e tlamehang ho ea kerekeng ho khumama. Ba rutoa ho thoe “Molimo o ka har'a bohojana bona bo khilikoe, Molaoli ea ka hara tabernakele.” Ua bona? Na ha le bone boo ke bosalumele? Ehlide, ke bona.

¹⁵⁴ Ana ha le bone batho ba hlomang ntho efe—efe e khahlano le Lentsoe lena ke moifo oona oo? Na Bibele, ho Tšenolo 17, ha e a bitsa kerek ea Katolike “seotsoa”? Na ha E a bitsa Maprotestanta ‘mè oa... hore e ne e le “m'a liotsoa”? Ntho e tšoanang! E noesa thuto e tsoang senoelong se litšila sa manyala a bootsoa ba sona, litšila le sesila, monna ea pala o bopiloe ka eona, sebakeng sa Lentsoe la Molimo o phelang la sebele le le sa silafatsoang.

“Oho Molimo, re hauhele,” ke thapelo ea ka.

¹⁵⁵ Irenease o ne a bue, mona ke ngotse hlahiso ea polelo ea hae, ha thoe, “Lentsoe la Molimo eka sehlopha sa mahakoe a matle a maholo a hlomiloeng ho bopa sefika, sa Khosi e kholo e matla. Empa,” ha thoe, “litaeloana, litšomo, malumeli, a tlosa mahakoe a matle ao ebe ho boptjoa setšoantšo sa ntja, ho ntano thetsoa ba haelloang ke temoho ea Lentsoe. Hona ba ho etsa morero e le ho bolisa litsela tsa Molimo le ho lihela nyatso holim'a Lona.” Alleluia!

¹⁵⁶ Ha u leka ho buisa Lentsoe la Molimo ho nyallana le mokhatlo oa hao, o ntse o khothola mahakoe ‘Meleng oa Khosi e kholo u o fetolela tsobotsing ea ntja, kapa phokojoe, kapa kolobe, kapa ho hong, ka oona. ‘Me u thetsa ba hlokang temoho ea Lentsoe.

¹⁵⁷ Alleluia! Ba ba ruileng Moea oa Molimo, ba tiisetsang Lentsoe le entsoeng nama. (Molimo, aka atolose liahelo tsa rona.) Lentsoe, le letho ka ntle ho Lentsoe! Nkang Lentsoe leo Jesu a le boletseng mono, “Maholimo oohle le lefatše li tla feta, empa Lentsoe la Ka le ke ke.”

¹⁵⁸ Moo Le boletseng, “Le kolobetse ka Lebitso la Morena Jesu Kreste”; ba etsa “Ntate, Mora, Moea o Halalelang,” melimo e meraro ka Eona. Ba inkela litšomo tsa mefuta eohle, ba bope lintho tsa mefuta eohle, le hofafatsa sebakeng sa ho qoelisoa. Ntho eohle! Ho e fetola seretse sa mofuta se entsoeng ke motho, sebakeng sa ho hloma Lehakoe, ho Khosi e kholo, Kreste.

Oh, Alleluia! Oo ke Molimo ka nama, Kreste!

¹⁵⁹ Ba silafatsa litsela tsa Molimo. Ba lumella batho ho kena kerekeng, basali ba pomme moriri, ba slotse meikapo, ka mese

e nyelisehang ho talingoeng. Banna ke bommisi, ba lumella mosali ho ba hulanya ka tsebe. Ho tla kerekeng, le ho bapala bunco le libingo, le lintho tse bolileng tsa mefuta eohle. 'Me bareri le ba joalo ba ka ntle mabopong, ba tsoile ho ea tola le basali ba hlobotseng ba apereng lisutu tsa ho tola, ba tsuba lisakrete, 'me ba ipitsa "bahlanka ba Molimo"; athe tempele ena ke e halalelang e khethetsoeng Molimo, ha e a neheloa litsila tsa lefatše. Ke 'nete. Empa ba ntšitse mahakoe a Molimo ho bopa ka oona kolobe, kapa phokojoe, kapa ntja, kapa nakeli, kapa ho hong, ho e futisa ba sa rutehang, ba hlokang temoho.

¹⁶⁰ Kea u leboha, Doc. Ke tšoere se seng mona empa ha kea ka ka hopola ho se sebelisa, sakatuku.

E, ke sona seo ba se etsang. Irenease hle—hle o ne a nepile.

¹⁶¹ Ebe Molimo o nahana'ng ka hona hohle? Eka seo ba lekileng ho se bua, "Oh, ha e etse lebaka ho Eèna"? E etsa lebaka ho Eèna! E sa ntse e etsa lebaka.

¹⁶² Hobane'ng A boleletse Jeremia lintho tseo A li boletseng mohlang oo? Hobane'ng A itsalo? Ehlide e etsa lebaka. Tsela ea Molimo e teng.

¹⁶³ Holane Moshe a itse, "Ke tla rola katiba ea ka sebakeng sa lieta tsa ka"? Pono e ka be e sa mo hlahela. U tlameha ho latela tsela ea Molimo. Tsela ea Molimo e teng.

¹⁶⁴ Re ka bua tse ngata. Ha re phetleng Lengolo le leng mona. Ke le tšoere, a mangata a ngotsoe fatše. Ha re phetleng ho Numere 25, motsotsa feela. Numere 25, re bone haeba e—etsa lebaka la letho ho Molimo, kapa che. Ha re boneng haeba e le joalo, haeba litaeloana tsena, litšomo (le tse joalo) li etsa taba. "Ke Molimo o lokileng, ntho eohle O e tlolisa mahlo." Ha A etse joalo! O sehile qholo o bile o hlomile loto ea ho lekanya, le tlameha ho itekanya le Eona.

*Iseraele a lula-lula Sittime, 'me sechaba sa qala teng
ho etsa bohlola le barali ba Moabe.*

(Mamelang!)

*Ba biletsha sechaba mahlabelo a melimo ea bona:
sechaba sa ejas, 'me sa khumamela melimo ea bona.*

*Iseraele a khomarela Baale-peore: 'me bohale ba
MORENA ba tukela Iseraele. (Ha re makale A itse "U se
ke ua rapella batho ba mofuta oo"! Huh?)*

*MORENA a re ho Moshe, Bokella marena oohle a
sechaba, o a fanyehe pel'a MORENA pontšeng ea letsatsi,
bohale ba MORENA bo tuketseng Iseraele bo tle bo fele.*

*Eaba Moshe o re ho baahloli ba Iseraele, E mong
le e mong a bolae bathe ba habo...khomaretseng
Baale-peore.*

¹⁶⁵ "Bolaea e mong le e mong oa bao!" Molimo o batla ho ba Molimo, 'me haeba E sa tl'o ba Molimo ha A na ho amohela

maemo a bobeli. Ha A tlameha ho lumella Baale (le tšomo e qapiloeng ke motho, le kakanyo ea mofuta ea motho, kapa kakanyo ea mofuta ea taeloana, kapa kakanyo ea e—ea bolumeli) ho Mo eta pele tseleng, Ke Molimo 'me A ka tsosetsa Abrahama bana le ka majoe ana. Ha A tlameha ho amohela malumeli a lona. Ha A tlameha ho amohela lisosaiti tsa lona tse kholo le likolo le lintho. O nka seo A ka se tšoarang letsohong la Hae, sona e se letho, a se bululele phefumoloho ea Bophelo se fetohe ntho e ka O sebeletsang. Ke sona se Mo etsang Molimo. Ruri, ho Molimo e etsa lebaka.

U re, "Ha e etse lebaka." E etsa lebaka! Ruri, e etsa lebaka.

¹⁶⁶ Mopapa Leo e Moholo, o busitse ho tloha ka 440 ho fihlela 461. Oh, o hopotse a entse ho lokileng, ho kena ka kerekeng... Pele ho eèna e le Victor, e le khoto, le eèna. 'Me a kena ka mono, le kamoo a bolaileng Bakreste le ntho efe feela.

¹⁶⁷ Ebe ntho ena eohle e qaliloe ke mang, a e hhalosa e le "molao" ho bolaea? Lea mo tseba e ne e le mang? Mohalaleli Augustine oa Hippo, ke eèna hantle ea entseng hoo.

¹⁶⁸ Mohalaleli Augustine o kile a fuoa monyetla, ha nalane e bolela, ho fetoha monna e moholo ea tletseng Moea o Halalelang. E leha a lutse motšeо ho jarete mono, koana Lyons, Fora, sekolong se seholo seo Irenease a rutileng ho sona, le bao le Mohalaleli Martin. O kile a lula ka jareteng ena ea sekolo eaba Moea o Halalelang o a mo etela, a mpa a hana ho O amohela.

¹⁶⁹ Eaba o fetohang? Ngoana lihele habeli ho feta le ho qaleng, eaba o theohela Hippo, Afrika, teng a hloma sekolo sa hae. 'Me e ne e le...

"Mpontšeng!"

¹⁷⁰ Nka le isa nalaneng. Ke eèna ea ometseng lentsoe la hae ho e etsa, ho re "E ne e le toká ho bolaea mohanyetsi ofe oa litumelo tsa kereke ea Roma," Mohalaleli Augustine oa Hippo. Na moithuti oa Bibele o teng mona, leha e le mang ea balileng histori, ea tsebang hoo e le 'nete, phahamisa letsoho la hao? Yaa, ua bona? Ehlide ba teng. Mohalaleli Augustine oa Hippo, ke eèna ea liliheng kahlolo eo "E ne e le toká ho boalea bahahanyetsi ba kereke ea Roma." O ile a omèla thuto eo ea basolamele, e suthelang hole le Bibele, a bileng a thea borapeli ba mora-molimo. Lea tseba lebaka leo Bokreste bo...

¹⁷¹ Le tseba moo Keresemose ea lona e tsoang teng? Kreste o hlahile ka 'Mesa, empa ba entse'ng? Letsatsi le mahlahana a lona le fokotsa sekhhahla joale ha le ntse le suthela hole, letsatsi ka leng lea lelefala, kapa lea khutsufala, le ho khutsufala ho feta, 'me ho qala ka la mashome a mabeli ho fihlela ka la mashome a mabeli a metso e mehlano ke mohla tsoalo ea molimo-letsatsi e ne e ketekoa. Mono ekaba matsatsi a mahlano feela, ke mohla ba ne ba tšoara liserekisi Roma, mokete oa tsoalo ea molimo-letsatsi ka nako eo. 'Me

na joale le bona seo le se tšoereng? “Ba itse le fetoleleng ho ‘molimo-letsatsi,’ ha re le nkeng e le ‘Mora oa Molimo.’” ’Me ntho eohle le ho qaleng ke bosalumele! ’Me batho ba literateng ba roetse lieta tsa bona tse lirethe li telele, ’me ba ntse ba itšotha ba nyolohela holimo le tlase literateng, le ho matha ba kena mabenkeleng.

¹⁷² ’Me tsatsi le leng mohatsa ka o mpoleletse, “Motho o itse, ‘Ha ke tsebe seo nka se batlelang Daddy.’ Ha thoe, ‘Moena o tlil’o mo batlela kotara ea whisky, ’me e mong a re o tli’o mo batlela champeyini.’ ’Me e mong o itse, ‘Be, ke tlil’o mo batlela e—e sete ea likarete tsa poker.’” Ho keteka Keresemose, bosalumele, ho ho khumamela liabolosi! Ke hantle.

¹⁷³ Empa ke Augustine ea lihileng kahlolo eo. Haeba le batla ho lebisa ho sena ho Schmucker’s, sengoloa sa Schmucker, S-c-h-m-u-c-k-e-r-s, Schmucker’s *Hlabollo E Tlokoman*, ke sena seo e se hlahisitseng, ho thoe “Ho qala mohla Mohalaleli Augustine oa Hippo a ne a phatlalatsa molaoa oona oa kereke ea Katolike, o ba buletse monyako ho bolaea hohle hoo ba ho batlileng, ho hanetseng kereke eo ea bosalumele. ’Me ho qala ka tšiu ea Mohalaleli Augustine, lilemo tse ka bang makholo a mararo ka morao ho Kreste, ho fihlela ka 1850, polao e kholo ea Ireland, kereke ea Katolike e bolaile Maprotestanta a limilione tse mashome a robeli a metso e tšeletseng. E fumanoa ho babolaeloatumelo ba Roma, ‘Limilione tse mashome a robeli a metso e tšeletseng.’” Joale ngagisanang le ranalane, ke eèna ea e buileng. Ke mpa ke phetha polelo ea hae. “Mang le mang ea hanelitseng tšomo ea Katolike!”

¹⁷⁴ Hase *katolike*, lentsoe katolike, bao ha ba lokeloe ke lebitso leo. Ke bomosalumele ba Maroma.

¹⁷⁵ Hase batho ba khabane bao. A teng mashome a likete tsa batho ka ntle mono, ba tšepehang se ka bao...mosebeletsi ofe feela oa lisèto o joalo. Ba hopola ba khumamela Molimo, athe (morao Lentsoeng) ba ka har’ a sesèto ebile lisèto li tletse sebaka sohle. Ua bona!

¹⁷⁶ Ho lokile, e ne e le tšo... tšomo, litšomo tsa Boroma. ’Me, mamelang, mona ke batla ho bua taba. Ke ne ke e fetile.

¹⁷⁷ Ka selemo sa 1640, ka selemo sa 1640, mohla polao ea Ireland, tlasa lijurisete le baprista ba Roma, ho no ho bolaoe basokolloa ba Mohalaleli Patrick ba likete tse lekholo. Efèla ha Mohalaleli Patrick e ne e le Moroma oa Katolike, hoganeng ba bolaile batho ba habo bona? Bao e ne e le batho ba sebetsang feketering, le ntho eohle. Ke hantle. “Likete tse lekholo,” ho latèla babolaeloatumelo, “ba bolailoeng ka ho hanyetsa thuto.”

¹⁷⁸ Nkile ka etela tse ling tsa likereke tsa Mohalaleli Patrick koana Ireland e ka Leboea. E, monghali. Nkile ka fuoa monyetla oa ho bona ntho eo. E ne e le lehahlahali la khale feela. Ba ne ba sa hloma lisèto tseo, ’me ba tšolle nyee maotong

a bona, le ho lefa batho bao ho khutla le ho qhomela ka har'a sesèto seo. "Maria, ahe, Maria, le 'm'a Molimo," eona ntho eo ba e etselitseng Astarte (ho upa), moea oa Maria.

¹⁷⁹ Kereke ea Katolike e qalile tšomo e ncha lilemo tse peli kapa tse tharo tse fetileng ho thoë "Maria o tsohile bafung 'me o kene Leholimong." Ba e hopolang ba bakae? Oh, lona bohle, ehlile, e ne e jaliloe maseling. Litšomo! E hahiloe holim'a litšomo, ebile ha ho le thojana ea 'Nete kae kapa kae feela.

¹⁸⁰ Joale, lona Maprotestanta le babe ha kaalo, lona le hanang ho nka Lentsoe la Molimo. Tšomo ea kereke ea Protestanta e tšoana le tšomo ea kereke ea Katolike, 'me bobeli ba rona re fositse pele re khutlela Lentsoeng la Molimo o phelang! Hantle.

¹⁸¹ Lona Assemblies of God, lona Foursquare, lona Pentekosta ea bonngoe, ea boraro, leha le ka ba eng, khutlelang Lentsoeng la Molimo! Tèlang lisèto tsena tsa bolumeli, lisfinkse tsa bolumeli. Ba itoëa (ka moea oa liabolosi) ka har'a lisèto tsena tsa bolumeli. Na le tsebile seo? *Bolumeli ke "seseto"!*

U re, "Ana u Mokreste?"

"Ke Mopresbeteriene."

"Ana u Mokreste?"

"Ke Momethodise."

"Ana u Mokreste?"

"Ke Mopentekosta."

¹⁸² Hoo ho lekana le ho itlaleha u le "kolobe" kapa "ntja" kapa "nakeli," ha e amane le Eona ka letho. Ke hantle. Seo re se hlokang kajeno ke: ho khutlela Lentsoeng la Molimo!

¹⁸³ Joale, e mong oa basebetsi bana ba levenkele le batho ba khabane koana Ireland Leboea, efèla ha Mohalaleli Patrick... hohle moo likolo tsa hae li kileng tsa ema teng. U a tseba, lebitso la hae e ne e se Patrick? Lebitso la hae e ne e le Succat. O ne a koeteloe esale moshanyana; likhaiseli tsa hae tsa bolaoa. Eaba o a khutla, kaha a ne a rupelle lintja ho lelekisa likolobe le lilo tse joalo, ka hona a—a—a—a etsa hoo, mohla a ne a etsa hoo, eaba ba... a khona ho menahana le mohlala o khutlelang ho ntata'e le 'ma'e. Eaba o qala sekolo. 'Me sekolo se Ireland Leboea ha se eso amohele mopapa joaleka moemeli ea phahameng oa Molimo, ba ne ba sa e lumele. Ba ne ba tiisetra Lentsoe. Molimo o hlohonolofatse mohalaleli ea bokoang eo, Mohalaleli Patrick, monna e moholo.

¹⁸⁴ Ha le ba utloa ba re "Mohalaleli Patrick o lelekile linoha tsohle Ireland." Balang histori le bone hore e ne e le eng. Mohalaleli Patrick o ne a lumela ho bua ka lipuo. Mohalaleli Patrick o ne a lumela ho tšoara linoha kapa ho noa lintho tse bolaeang; 'me eneraha a tšoara noha a e lahlela ka thoko, ba itse, "O lelekile linoha Ireland." Ke ka hobane a ne a lumela ho tšoara linoha, 'me li ke ke tsa ba ntša kotsi. E, oh, ehlile.

¹⁸⁵ Ha ba ka ba thea lintho tseo... lifikahali tse kholo tsena. 'Me ebe—ebe mohalaleli a ka... Ebe Irenease a ka etsa'ng kajeno? Ebe Mohalaleli Patrick a ka etsa'ng kajeno, ho bona ho horometsoa didolara tse makholo a libilione ka har'a Boroma ba Katolike, ho haha likereke le liemahale tsa milione oa dolara le ntho eohle joalokaha Maprotestanta le oona a etsa?

¹⁸⁶ Tsatsi le leng ke entse tlhahiso e bileng ea pompatsa mang le mang, ke lona lebaka la ka ho koetla lebanta lena. Le mpe le ba tlohele, lifofu li tsamisa lifofu, li tloheleng li oele selomöng. Ke pheto seo u ka se etsang, ua bona. Mohla ke ne ke ba bolella ka limemo tseo tsa aletare, ntho ea mofuta oo ha eso etsahale ka Bibeleng e kang "limemo tsa aletare."

¹⁸⁷ [Sekheo lebanteng—Mong]...ka khalalelo ea Hae. Ka ho ikokobetsa lefung la Hae, ho itemoha re se letho, ebe moo Moea o Halalelang o fihlang o re phahamisa. 'Me ha re itšepe borōna, kaha re ka sitoa ho etsa letho, empa ka Eèna re ka etsa lintho tsohle.

¹⁸⁸ Rôna, ha re nkile setšoantšo sa Hae, setšoantšo se phelang sa Molimo o phelang. Ebe o etsang... Ha u inehela Molimo 'me Molimo a kena ka ho uena, hoo ho u etsa'ng? Setšoantšo se phelang sa Molimo. Ha se sefika se shoeleng se hlonngoeng khuttellong; hase bolumeli ba holimo koana lintlokholong tsa Washington, ka har'a—ka har'a—ka har'a Setlamo sa Likereke; che, seo ke sefika se shoeleng, sefika se shoeleng le taeloana e shoeleng. Empa setšoantšo se phelang ka har'a motho!

¹⁸⁹ Motho o rutile tsatsi le leng, kapa a ngotse ntlhanyana, eaba motho o re "Efèla haeba monna a sa bolokeha, 'me... Ekare ha monna a bolokehile athe mohatsa'e eèna a sa bolokeha, na ba ka kena Hloibilong? Mosali a ke ke a kena Hloibilong hobane ba bang, mosali a ke ke a kena Hloibilong hobane ba bang." Lithole! Jesu o itse, "Ba babeli liphateng, Ke tla nka e mong ke siee e mong." Ke taba ea bomong pakeng tsa tsa hao le Molimo, ho nehela 'mele oa hao; hore na mama, papa, bana, ba E amohela kapa che. Amen!

¹⁹⁰ Oho Molimo! Ho bola hona, litšila, lefatše le sebolu; litšila tsena, likereke tse sebolu tsena tse reiloeng likereke; litšila tsena, mekhatlo e sebolu; litšila tsena, litumeloana tse litšila tsena tse khahlano le Lentsoe la Molimo. Oho Molimo, ako romele mothoana ea ikokobelitsoeng ho tsoa nq'a e 'ngoe 'me u ba hloekise, le ho ba nyollela holimo libakeng tsa Leholido U ipontšahatse, Molimo o Matlaohle. Amen. Ntho eohle e fetohile sebolu sa setonana!

¹⁹¹ Re beoa ba nkang kabelo khalalelong ea Hae. Rôna, ka ho nka setšoantšo sa Hae, re litšoantšo tse phelang tsa Molimo o phelang. Hape, haeba re ichoelletse, re tsositsoe le Eèna, (joale mamelang, mamelang sena), Lentsoe la Hae le boetse le entsoe nama ka ho rôna. (Oh, Moena Neville!) Shebang!

Ke eng? Hase tabakhopolو, molimo oa boinahanèlo ea lutseng ka ntle mono, empa Molimo o phelang. Molimo o phelang ke eng? Lentsoe le Inèpahatsang ka ho uena. Whiu! Thoriso ho Molimo! Oh, kea tseba le nkuka ke le mohalaleli ea thethehang, mohlomong ke eèna. Empa, oh, moena, u a e bona na? Ho hlola malumeli oohle, ho hlola bosalumele bohle, Molimo o phelang o bonahatsoang ka har'a tempele e phelang, 'me Lentsoe la Molimo (lona e leng Molimo) le entsoe nama ka ho uena. Hobaneng? U lutse libakeng tsa Lehолимо, u hlotse lintho tsohle, ka ho Kreste Jesu. Amen!

Oh, ke mpa ke E rata feela. Ke tlameha ho tlola ntho e 'ngoe ke tsoelepele.

¹⁹² Joale, mamelang. Balumeli ba Hae ba banyenyane ka ho fetisisa, ho sa tsotelehe bolelele bo bo kae—kae, kapa mang—mang, e monyenyane, kapa seo u leng sona, balumeli ba Hae ba banyenyane ka ho fetisisa (ka ho Eèna) bokhopo bohle bo tlas'a bona. Ua bona? Sheba! Kreste ke Hloho ea 'Mele. Na ho joalo? Be, hohle moo Hloho e leng teng le 'mele o na le Eona. Thoriso! Hohle moo hloho ea ka e eang teng e tsamaea le 'mele oa ka. 'Me moo Jesu a leng teng, Kereke e 'moho le Eèna. Amen! Ha A fapohe Lentsoe la Hae le ka mohla; O tiisetsa Lentsoeng la Hae, ho Le hlokomela, ho Le bonahatsa. Kereke ea Hae e 'moho le Eèna.

¹⁹³ 'Me, bonang, u re, "Empa, Moena Branham, ke e monyenyane ka ho fetisisa." Boo ke bonamelo ba maoto a Hae. Empa, hopola, le uena u hlotse le Eèna, ho hlola le uena ntho eohle, leha koana u le bohato ba maoto a Hae. Boloetse ka bong, liabolosi ka mong, matla afe le afe, esita le lefu, le tlas'a maoto a hao, tlas'a *hao*. Thoriso! Ha ke ikutloe ke le mashome a mahlano a metso e 'meli hoseng hona. Ena ke 'Nete. Holane nka khona ho bontša kereke ena seo, moena, re tla ba kereke e hlolang. Balumeli ka ho Eèna, bokhopo bohle bo tlas'a Hae. Oh, thoriso!

¹⁹⁴ Ke tlil'o khefutsa nakoana, ke boele ke qale nako e 'ngoe.

¹⁹⁵ Mamelang, mamelang sena. U re, "Moena Branham, ha ke na matla." Ha ke na oona le 'na. Ha ke a rua matla a letho. "Be, Moena Branham, ke mofokoli." Le 'na ke joalo. Empa ha kea itsepisa ka matla a ka, hase matla a ka. Ke itsepisitse ka borena ba ka, ua bona, borena boo ke bo neiloeng. Ha se 'na ea matla, ha ke na matla. Ke Eèna ea matla, 'me 'na ke—ke oa Hae.

¹⁹⁶ Mona, ka mokhoa oona, ho tea mohlala, sephethephethe ke sena se tšoloha ka seterata, mona Fourth le Broadway Louisville, "zuum, zuum, zuum, zuum," ka lebelo le le kaalo, limaele tse mashome a tšeletseng ka hora har'a setarata seo, mang le mang o potlakile, ke lehlanahlana, ho a phethesela. Monnana e mong o tsoela mono, o phahamisa letsoho la hae, 'me, moena, mariki a khiritsa. Be, monnana eo ha a rua matla a lekaneng ho emisa le e 'ngoe ea makoloi ao, empa o fuoe

borena. (Thoriso!) Ha se matla a hae. Be, ha koloi e 'ngoe e ka mo thula, e ka mo silakanya. Empa e re a phahamise letsoho la hae! Hobaneng? Baqhobi ba makoloi ba hlompha yunifomo eo.

¹⁹⁷ Oh, moena, ba hlompha yunifomo eo, mariki a khiritsa. Hobaneng? Shebang borena ba hae. Shebang ea mo tšeheletseng. Tsamaiso eohle ea motse e mo tšeheletseng. Molao oa motse oa phethahatso o mo tšeheletseng. Yunifomo eo e emetse hoo. O fapane, e, monghali, hobane ke moofisiri.

¹⁹⁸ O a hooeletsa, “Ema!” Be, koloi e 'ngoe eo e ka feta “zuum,” ‘me ea feta le eèna. Ba mpe ba se leke, hoba shebang se mo tšeheletseng. Mariki a tsona a tla tsetsela li be li thelle. Ebile ha a tlameha le ho bua letho, haese ho phahamisa letsoho feela. Ke phetho, ehlile. Borena ba hae bo tsoa phethahatsong ea molao, e mo tšeheletseng ka bottlalo. Eèna, ke mofokoli, empa o tšeheletsoe ke'ng? Ke seo naleli...kaparo ea hae, o apere yunifomo ea hae eohle.

¹⁹⁹ Ke sona se...ha se sesèto, empa seo motho a tlamehang ho se apara. Ha re apareng lihlomo tsohle tsa Molimo, amen, heleme ea poloko, thebehali e kholo ena (e boholo ba lemati) ea tumelo. Oh, moena. Ha se seo a leng sona, empa seo a se emetseng.

²⁰⁰ Ke seo moofisiri...ha se monnana eo ea emeng mono, ke monna ea pala feela, empa ke seo a se emetseng!

²⁰¹ Lihlomo tsa rôna ke Jesu Kreste. E, monghali. Batemona bohle ba thellisa mariki ha ba bona Seo. Mohla a bonang lihlomo tsohle tsa Molimo, kolobetso ea makhonthe ea Moea o Halalelang, amen, ho E bona e tsoa Teroneng ea Molimo ka kotloloho, e apere lihlomo tsohle tsa tsobo ea Hae. Amen.

²⁰² Ha se uena ea matla, ha u letho, empa e le se u tšeheletseng. Hobaneng? U shoele. U hlahletsoe lebothong, u hlahletsoe matleng a sepolesa, u tlil'o baballa molao 'me u laole batemona bana. Ke hantle, u matleng a sepolesa, ntho eohle e u tšeheletseng. Ua bona, u nkuoa u shoele, ha u letho, u ka sitoa ho emisa letho. Empa borena boo u bo neiloeng, hobane u tsositsoe 'me u lutse libakeng tsa Leholimo ka ho Kreste Jesu, liabolosi o elelloa hoo. Ntho eohle e thellisa mariki ha matsoho ao a phahama.

²⁰³ Mohalaleli Martin, tsatsi le leng lekholtleng...Ho kile ha hlaha monna ea hlahlathang (liabolosi), a loma a libola maqahali bathong ka tsela eo, 'me batho ba phasa-phasa, a leka ho ba bolaea. A libola mothamohali...meno, e le metsoèbèbè, a rusulla maqahali a nama hlaha falong ea hae.

²⁰⁴ [Sekheo lebanteng—Mong.]...barapeli. 'Me matsatsi ao o a bonetse-pele, hore litaba li tla ema tjena, mohla Eèna ka Sebele a tla ntšoa kerekeng ea Hae ka Sebele, kereke ea Laodisea. O itse, “Bonang, Ke eme monyako kea kokota.” Keha mokhatlo oo o Mo ntšelitse kantle, 'me le kajeno ba entse hoo, empa O eme monyako ho kokota.

²⁰⁵ Oho Molimo, lumella litho tsa 'Mele oa Hae ho elelloa hobane kajeno re eme kahara Kereke e hlolang. Re ka—re ka ho Kreste. Re lutse holim'a lintho tsena tsohle tsa lefatše.

²⁰⁶ Horeng basali ba rōna ba batla ho poma moriri oa bona? Molimo, e supa phoso e leng teng. Horeng ba batla ho ipepesa ka lintho tse chachehisang nama? Horeng batho lipelōng tsa bona ba lapela ho utloa e—e mothaka ea kang Elvis Presley kapa—kapa bo-rickies ba bang bana, kapa ba joalo, ea tšekallang mono ka katara ea khale ea 'mino oo oa khale o sethokothetsi o tsokotsang banana ba bacha ba be ba rutle liaparo tsa bona tse katlace, le lintho? Molimo, athe moshanyana eo o ipitsa Mopentekosta! Oho Molimo, ebe lebaka la... Shebang Pat Boone enoa ea ipitsang setho sa Church of Christ le linyee tsena tsohle tse manyala, ntho e litsila... Oho Molimo, athe o ipitsa "ea tsoang ho Church of Christ."

²⁰⁷ Molimo, rea elelloa hore lemao la bolaoli ha se lebitso la bolumeli, empa ke matla ke matla a tsoho ea Kreste bophelong ba motho. Molimo, batho ba leng mona hoseng hona ba tsitalle ho kena Moo ka matla. 'Me ha lebanta lena le ka kena naheng ea batho bao, Morena, ba e tsebe e sa buuoa ka lonya, ekabe'ba le 'na ke phoso, empa hore Kereke e tle e hhole 'me e elelloe malulo a eona. Ba tle ba bone moo lisèto tsena tsohle... Moo kereke ea Katolike e hlahileng e totobetse ho e fetola "seséto," Maprotestanta a e etsa "mokhatlo," ba babe hakaalo; ka ho latola Lentsoe, "Ba nang le sebopeho sa borapeli, ba mpa ba latola Matla a jona." Oho Molimo, Lentsoe la Hao le nēpile hakakang, Lentsoe le leng le leng!

²⁰⁸ Joale rea rapela, Ntate, hore U tle u tšoarele libe tsa rōna, 'me Molaetsa oona o thophothele ka botebo lipelōng tsa bona. 'Me batho ba ke ba... Ere kereke ena, kaha tabernakele e nyenyane ena e tšoarane le morero oa kaho ho haha kereke, ba se ke ba sheba ntho e itseng e ntle, empa ho lekaneng feela ho sireletsa batho. Molimo, ba se ke ba tloha ba re, "Re litho tsa tabernakele e kholo e nang le tsullu ea dome holim'a eona." Molimo, e ke e be lehahla le lephaka. Ba se ke ba lahleheloa ke pono ea Tlotla eo, e leng Jesu Kreste. Ebe Eèna Ea tlatsang tempele ea bona, 'me matla le mollo oa Moea o Halalelang li tla tšolohela aletareng ea lipelō tsa bona. Ke hona moo aletare ea makhonthe e leng teng, Morena, e pelōng ea motho ka bomong.

²⁰⁹ Ke rapela Lentsoe lena hoseng hona ho robala le le boima aletareng ea pelō e 'ngoe le e 'ngoe ho fihlela ba sa tl'o khona ho Le balehela, ba tle ba atamele Evangelie ka kelello e pholileng le ka phalimeho, ba ntse ba lumela Mantsoe; 'me ba se bulele matla a batemona pelō tsa bona (kapa maikutlo, kapa ho tsetsela, kapa ho qhomaka, kapa—kapa ponahatso e itseng, sebopeho se itseng sa nama, leha e le ntho e kang eo), empa ho ntho ea sebele, Moea oa mannete o ratehang oa Kreste, moo A tla Iponahatsa ka lerato le matla.

²¹⁰ Aba sena, Morena. Folisa bakuli le ba mahlomoleng. Re e kopa ka Lebitso la Jesu. Amen.

Kea Mo rata, kea Mo rata
 Hoba A nthatile pele
 Le ho lefella poloko ea ka
 Fateng sa Kalvari.

[Moena Branham o qala a dumaela *Kea Mo Rata*—Mong.]

. . . kea Mo rata
 Hoba A nthatile pele
 Le ho lefella poloko ea ka
 Fateng sa Kalvari.

²¹¹ Ka lihloho tsa rōna tse inamisitsoeng, ba bakae ba lona ba tla robatsa pelō ea bona aletareng le ho e fetola tšimo ea Molimo, A tle a jale Lentsoe la Hae holim'a aletare ea pelō ea hao, e tla hlahisa bophelo ba tsoho ea Kreste? Na u ka phahamisa matsoho oa re, “Molimo, sena ke se lakatsa ka pelō ea ka eohle”? Molimo a hlohonolofatse lipelō tsa lona tse lapileng, litosene ka mora litosene.

U siee moo, feela u siee moo,
 Isang moroalo ho Morena u o siee moo;
 Ka tšepo re sa belaеle, ruri U tla re lopolla;
 Isang moroalo ho Morena re u siee moo.

²¹² Hantle ka pelōng ea hao, hopola Kreste Mopholosi, hopola hobane O shoetse uena. 'Me ha u ka ichoella, hoo ho tla phophotha 'mele oa hao, ho phophotha soulu ea hao, ho phophotha pelō ea hao linthong tsohle tsa lefatše lena le menyaka ea lona eohle, ke moo Kreste. . . . u tla tsoha le Eèna.

²¹³ Haeba u eso kolobetsoe ka Lebitso la Jesu Kreste, letša le tletseng metsi le teng mona. 'Me, ha u tsoha u tsoa metsing ao, u tsoha e le ho tsamaea le Kreste ka bophelo bo bocha. U shoele lekhatheng leo, ha u sa hhole u le. . . . mabifi le ntho eohle li balehile. U 'mopuoa e mocha ho Kreste. Ebe O u tsosa ka Moea o Halalelang le ho u lulisa libakeng tsa Leholimo le Eèna, koana holim'a matla ohle a lefatše lena.

²¹⁴ Ho sa tsottelehe bootloana, le haeba u le mosajana ea hlatsoang, le haeba u le—haeba u le moena feela ea se nang. . . . ho tseba li-ABC tsa hae, seo u leng sona ha se etse phapang ea letho. U ka har'a Kreste, u hlotse lintho tsohle. 'Me borena ba hao bo beiloe holim'a letemonia ka leng le matla a mang le mang ao liabolosi a a ruileng. U ka har'a Kreste, u a hlola.

Re sa inamisitse lihloho tsa rona:

²¹⁵ Ke tseba moena ea theohileng a tlie koano hoseng hona, Moena Slink (ke kholoa ba 'mitsa “Sink, Jim Sink”), eo ke mo lumelang e le. . . . 'Me moena oa rōna mona o nkuoa e le moruti oa Lentsoe lena. Na ha ho joalo, Moena Sink? Hoseng hona

pele re rapella bakuli re tlil'o 'meha matsoho, ho mo tlotsetsa boreri (e mong oa baena ba rōna) ho tsoa ho ea likerekeng ho rera Evangel.

²¹⁶ Moena Jim Sink, na u ka nyolohela mona aletareng? Tloo, Moena Neville. Moena Junie Jackson, na u teng mona? Mang feelsa oa bareri ba Tumelo ena?

²¹⁷ Moena Jim Sink mona o lumela eona Evangel eo re e bolelang, Mora Molimo, o Mo lumela e le Mora Molimo ea tsoetsoeng ka 'nete ke moroetsana. Na ho joalo, Moena Sink? [Moena Jim Sink o arabela, "Amen!"—Mong.] U a lumela hobane O shoele a ba a tsoha ka letsatsi la boraro, o hlotse ntho e 'ngoe le e 'ngoe, 'me o lutse letsohong le letona la Molimo, setsing sa matla a Molimo Holimo, o phela kamehla ho re buella? ["Amen!"] Ana u lumela kolobetso ea metsi ka Lebito la Jesu Kreste tšoareleng ea libe? ["Amen!"] Ana u lumela kolobetso ea Moea o Halalelang kamoo Molimo o tla E aba kateng, ka lipontšo le meeka e latelang molumeli? ["Amen!"] O lumela seo. 'Me ke lumela motheo oa bophelo ba hae pel'a batho o se na ho nyatsuo. O rera mona kerekeng, o ba rerela khafetsa mona, 'me ke fumana ho re, "ke monna ea babatsehang oa Molimo."

²¹⁸ Joale, ho kereke ena, na lentsoe le teng mona, monna ea tšoereng lentsoe le khahlano le Moena Sink? E bolele hona joale kapa u thole ka mehla. Ba lumelanang le theroy ea Molaetsa oona le Lentsoe lena leo Moena Sink... 'me le lumela hore ka bopaki ba Moea o Halalelang, hore Moena Sink o loketse ho tlotsoa a rongoa ho tsoa kerekeng ena e le moreri oa Evangel, ho phatlalatsa Melaetsa ena e kang e reriloeng hoseng hona, ho ea hohle lefatšeng moo Morena a tla mo roma? Phahamisang matsoho a lona le re, "Ke tla u rapella, Moena Sink." Molimo a le hlohonolofatse.

Ha re inamiseng lihloho tsa rōna.

²¹⁹ Moena Neville, ha u ka beha matsoho a hao holim'a Moena Sink nakong eo u behang letsoho la hao holim'a Bibebe.

²²⁰ Ntat'a rōna oa Lehholimo, re U tlisetsa, hoseng hona, monna ea ntšitsoeng sebolung sa lefatše lena, o itemohile a ichoeletse 'me o amohetse Kreste e le Mopholosi, a kolobelitsoe Lebitsong la Jesu Kreste, o tsositsoe ka tšepiso ea ho amohela Moea o Halalelang, 'me joale o lutse libakeng tsa Lehholimo, 'me o utloa pitso ea tšebeletso ea lentsoe bophelong ba hae.

²²¹ Oho Molimo, re le baholo ba kereke ena, re le phutheho le baalosi ba akaretsang le ba joalo, ho lisa mohlape oo Moea o Halalelang a re behileng ho o hlokoma, mohlape o phahamisitse letsoho la oona o thoholetsa Moena Sink, "ke monna ea lokileng eo," ha ho le joalo re beha matsoho a rōna holim'a hae, 'na le Moena Neville, re le baholo ba Hao, 'me ka ketso ena re rapela thapelo ea tumelo 'me re tlotsetsa Moena

Jim Sink tšebetsong ea lentsoe ea Jesu Kreste. Aba sena. A ke a tlale matla a Molimo. Le ka mohla a se ke a qeka. A ke a U hapele meeа.

²²² 'Me, Molimo, re tlaleha botšepehi ba rōna le boena ho eěna, ho mo tšehetса hohle moo a leng teng, ka thapelo, le ka thuso, le ka mokhoa ofe oo re ka o khonang. Mo amohele, oho Molimo, re sa mo hlahisetsa Uena. Ka Lebitso la Jesu Kreste, Mora Molimo. Amen. Amen.

²²³ Ka matsoho a hao holim'a Lentsoe, 'me mono Moena Sink oa ka, ke u tlotsa u le moena ho Kreste le kopanong ea rōna, ka Lebitso la Jesu Kreste. Amen. Molimo a u hlohonolofatse. Ho lokile. 'Me phutheho e itse, "Amen." [Phutheho e re, "Amen!"—Mong.] Molimo a u hlohonolofatse. Ho hongata ho ka etsoang Evangeling, ho hlokoang habohloko, re u tšeheilitse ka lipheresente tse lekholo ka sohle seo re ka thusang ka sona. Molimo a u hlohonolofatse.

²²⁴ Na ha A babatsehe ho ba e... Oh, khili! Ke rata ho bona monna. Ke botle. Ke, kamoo ke uthloisisang joale, o nka bolisa ba Holiness Tabernacle mane Utica, Indiana, etsoe a sa lule hole le mono.

²²⁵ Joale, ha re boneng. Oh, na re na le bona baena? Oh, ke kholoa re na le bakuli ho ba rapella le hona, ha ke re? Ho lokile, na ba... u ntšitse litlankana tse 'maloa tsa thapelo? Ho lokile, ha re bitseng litlankana tse 'maloa tsa thapelo ka potlako, feela mang le mang a lule ka khutso nakoana. Re hlide re siiloe ke nako. Na le nka mpha metsotso e leshome? Ho lokile. Litlankana tsa thapelo, batho ba tšoereng thapelo... U li abile ho qala kae, 'ngoe?

²²⁶ Ho lokile, setlanka sa thapelo sa palo ea 'ngoe, na u ka tla, palo ea peli, palo ea tharō, palo ea 'ne, palo ea hlano. Setlankana sa thapelo sa palo ea 'ngoe, peli, tharō, 'ne, hlano, emang hantle ka mona, ka potlako eo le ka e khonang joale, haeba u khona ho ema. Ha u sa khone, be, u re tsebise, re tla tla u jara. Re tla leka ho tšoarana le ba bangata kamoo re ka khonang. 'Ngoe, peli—peli, tharō, 'ne, hlano, tšeleta, supa, robeli, robong, leshome; tšeleta, supa, robeli, robong, leshome; 'me ho eme ba babeli feela. Leshome, leshome le motso, leshome le peli, leshome le tharō, leshome le 'ne, leshome le hlano. (Huh?) Kaofela ha bona, litlankana tsohle tsa thapelo, fetelang ka lehlakoreng *lena*, tloong ka mona, ka lehlakoreng ka mona ka kopo.

²²⁷ Oh, na ha A babatsehe? Joale, mang le mang ka tšabo eo le e ka e khonang, ka metsotso e ka bang leshome joale, metsotso e ka bang leshome feela. Joale, bao ba tšoereng litlankana tsa thapelo, re tlalehile ra re "Batho ba batlang ho rapelloa, ba tle ba tšoere litlankana tsa bona tsa thapelo," re tle re se... Ua bona, ba lula ba khutla, 'me ba leka ho sebelisa neo ea Molimo joaloka boto ea Ouija, empa ha re—ha re lumele ho etsa hoo.

²²⁸ Re—re mpa re lumela ho tlohela Molimo ho etsa mosebetsi oa Hae. Na le lumela seo? Ba lumelang Molaetsa oa hoseng hona e le 'Nete ba ba kae? [Phutheho e re, "Amen."—Mong.] Kea le leboha. Kea le leboha. Molimo a le hlohonolofatse. Ke O lumela ka pelo ea ka eohle, soulu le mohopolo.

²²⁹ Joale, mona re na le batho ba ka etsang mashome a mahlano ho rapelloa, ntho e kang eo. Joale, mamelang. Joale, e mong le e mong oa lona le ka ho Kreste. Le ka ho Kreste Jesu, re hlotse maloetse oohle. Bohle ba moleng oa thapelo, le leng Bakreste, balumeli ba tsoetsoeng labobeli, phahamisang matsoho a lona. Sebaka sa hao se ka ho Kreste ke hona. U se u hlotse, seo u tlamehang ho se etsa joale ke ho amohela le ho lumela seo Molimo a se boletseng e le 'Nete.

²³⁰ Mola oo nke ke ka o sebelisetsa temoho ea mee, ho ka ba boima haholo ho etsoa, re ka qeta nako e telele haholo. 'Na e ke ke ea ntjhophpha, kea khlooa nka qeta letšeare lohle mona, ke ikutloa monate feela. Ke ikutloa monate feela. Kea tseba hoo Ho nepahetse. Ho bokoe Morena! Empa *joale* re ka ho Kreste, *joale* re lutse libakeng tse malulong ka ho Kreste. Amen! Oh, khili! Ana lintho tsena tseo ke rutileng ke 'Nete? Haeba e le eona, ke moo A tla Itlhahisa. Ke hantle.

²³¹ Batho ba moleng oa thapelo ba sa ntsebeng ba ba kae? Ke tseba boholo ba lona, empa bang ba lona ke basele. Phahamisa letsoho la hao, uena u tsebang ke sa tsebe bothata ba hae, phahamisa letsoho la hae; hohle moleng joalo, uh-huh, ho lokile. Na Ke Kreste? Le a E lumela na? U tšoanetse ho ba le tumelo, u tšoanelia ho E lumela. Haeba u sa E lumele, E ke ke ea sebetsa. U tlameha ho tseba malulo a hao, u tlameha ho tseba sebaka sa hao. Na ho joalo, Moena West? Ke hantle. Tseba sebaka sa hao, Kreste o tšepisitse "Lintho tseo Ke li etsang le lona le tla li etsa." U lumele Hoo ka pelō eohle ea hao.

²³² Bothata ba monna eo ea emeng motšebo nokeng ea hae. Lumela Hoo ka pelō eohle ea hao. U ke ke ua khona ho kena moleng oo oa thapelo, empa u ka khutla ua lula fatše, e tlil'o nyamela. 'Me hase mofetše. Khutla u lule fatše, ho felile. Ha ke eso bone monna bophelong ba ka. Haeba re le basele, moena, phahamisa letsoho la hao. Haeba re le basele... Molato ke ofe, o folile! Jesu Kreste o a u phelisa.

Ka lephakong lena la aletare mona, lea lumela na?

²³³ Ho ka thoeng ka uena? Re basele, ha ke u tsebe. Molimo o a u tseba. U a lumela ke mohlanka oa Hae? U lumela Molaetsa oona oo ke o rerang? U reng ha nka u bolella bothata ba mokokotlo oa hao bo tla u lesa? Na u E lumela ka pelō eohle ea hao? Be, Mongh. Burkhart, u ka khutlela Ohio, u folile. Jesu Kreste o a u phekola.

²³⁴ Mona ha u a tlela uena, u tletse motho e mong. Ke mosali. 'Me o tsoa Ohio, le eëna, ke hantle, lebitso ke Alice McVan. Ke

hantle. O entsoe oporeishene. Ke hantle. Bothata ba mala le bothata ba botšeħali le linerefe. Na ho joalo? Lumela feela 'me o tla phekoloa. Tloha u E lumele ka pelō eohle ea hao. E lumele ka pelō ea hao eohle, o tla e fumana.

²³⁵ U phela joang? Ha ke u tsebe, re basele. Na ho joalo? U a lumela ke mohlanka oa Hae? U a lumela hore re bahloli ka ho Kreste? Ha u lumela, ka linerefe tsa hao le ka masetlapelō a hao le lintho tse u tšoereng, ka hona, Mof. Allen, u ka khutlela lapeng la hao 'me ua phekoloa.

²³⁶ Kea lumela re basele, ha ke re? Ha ke eso u bone pele. Mona re kopana khetlo la pele, re basele e mong ho e mong. U ntumela ke le moporofeta oa Hae? U a e lumela na? U jeoa ke phieo. Ke hantle, ha se eona na? Ha u tsoe mona, u tsoa tlase Boroa. U ntse u rapella bana ba hao ba sa bolokehang. Ke monna oa hao eo ea lutseng ka mora hao. U nahanne ka monna pelōng ea hae hoseng hona, u ntse a rapella motsoalle. Ehu, ke bona motho e mong, u a—u motsoalle oa ntate oa ka le 'mè. Mona ho fihla monna ea bitsoang L. C. kapa S. T., kapa ntho e kang eo, S. T. kapa ntho e 'ngoe, eo—eo ke mora oa hao. [Moena Neville o re, "J. T."—Mong.] J. T....Ke moo he, S. T. Che, hase J. T., eo ke mo tsebang. Ke mothoana, monna ea hloho e ntšo, ke 'mone a eme hantle mona kapele e leng moo a emeng joale. Khutlela hae, u neiloe qèlo ea hao. Boela hae.

²³⁷ Na monna eo o teng mona hoseng hona, monna ea tsoang tlase Georgia? Yaa. T. S. Yaa. Ha ke eso bone ntatao le 'mè bophelong ba ka, 'me u a tseba hoo ho nèpahetse, empa ke u bone holimo mona, hantle mona ka pel'a bona lekhatheng leo. Ke e tsebile e ne e le eona. U neiloe kopo ea hao, u se ke ua belaela.

²³⁸ Bohle le a lumela na, ka pelō eohle ea lona? Joale, ba ba kae? E mong le e mong oa lona le ka ho Kreste bohle. U re, "Na eo ke Evangeli?" Jesu Kreste o entse hoo hantle. Baapostola ba entse hoo hantle. Irenease le bao bohle ba entse seo. Ke eona ehlide.

Le a E lumela? Ha ho le joalo inamisang hloho tsa lona.

²³⁹ Tloo koano, moholo. Batho ba tlil'o feta moleng oa thapelo ka mokhoa oo ba bangata haholo. Re qotsitse ba babeli kapa ba bararō tlase ka mono. Theohela koano hantle. Moena Neville enoa oa heso ke monna oa Molimo. Ke a e lumela.

²⁴⁰ Re tlil'o feta moleng oona mona re rapelle batho bana, re ba bee matsoho. Bohle le lumela ba tla phekoloa, e mong le e mong oa lona? Mang le mang ka mona o tlil'o E lumela? Inamisang hloho tsa lona joale, re ka har'a Kereke e hlolang.

²⁴¹ Morena Jesu, ke tseba moena enoa, ka lona lebaka ha kea bua letho le eèna ka eona. Ke tseba seo a se batlang. Ke U rapela ho mo folisa, Morena, le ho mo abela qèlo ea hae. Ka Lebitso la Jesu Kreste.

²⁴² Ntate oa Leholimo, matsoho a beiloe holim'a moenanyana enoa, hoseng hona, re kopa tokoloho ea hae ka Lebitso la Jesu. Amen.

²⁴³ Le uena. Ntate oa Leholimo, nea Khaitseli Dauch oa rōna mona, khaitseli ea ratehang, ebileng motsoalle oa rōna oa sebele mona, ho lelapa la ka le ho baratuoa ba rōna. Rea lumela eèna le mohatsa'e ke bana ba Hao. Kea rapela, Molimo, U tle u mo abele kopo ea hae hoseng hona. Ka Lebitso la Jesu Kreste. Amen.

²⁴⁴ Molimo, ka Lebitso la Jesu, hlohonolofatsa Khaitseli Bruce oa rōna. Rea tseba, Morena, ke mosebeletsi oa Hao. Re rapella kopo ea hae—ea hae ho abjoa ke Uena. Ka Lebitso la Jesu Kreste. Amen.

²⁴⁵ Oho Ntate oa Leholimo, ho elelloa hore—hore ke Uena o inotši ea ka phekolang Khaitseli Blankco, re U rapela ho mo hlohonolofatsa le ho mo abela kopo ena, Morena. Ka Lebitso la Jesu Kreste. Amen.

²⁴⁶ Ntate oa Leholimo, holim'a khaitseli ea rōna re bea matsoho a rōna ka Lebitso la Jesu Kreste, ho kopela toèlo ea hae tlotsong ea Hao. Amen.

²⁴⁷ "Mehlolo e tla tsamaea le ba lumelang ke ena," 'me re bea matsoho a rōna holim'a khaitseli enoa ea tla phekoloa. Ka Lebitso la Jesu, aba hoo, Morena. 'Mele o ferekeng oona, o tlakaselang, o sa eme mona, Morena, tlas'a tšusumetso ea Moea o Halalelang, 'me o khathetse, empa uena U Molimo. Folisa mosali e mocha enoa, kea rapela, ka Lebitso la Jesu Kreste.

²⁴⁸ Molimo o Matlahole, abela moena oa rōna kopo ea hae. Aba sena, Ntate. Re mo bea matsoho a rōna re khalema sera, tsona tse silafatsang soulu ea hae, kapa tse takang e—e letšoao le letšo ka pel'a hae. A ke a tsohe nthong eo ka tlholo hoseng hona, Morena, le ho elelloa sebaka sa hae ka ho Kreste Jesu. Ha ho le joalo o tla fumana kopo ea hae, ka Lebitso la Jesu.

²⁴⁹ Ntata rōna oa Leholimo, ka matsoho a beiloeng holim'a moena enoa, ka Lebitso la Jesu Kreste, aba kopo ea hae. Amen.

²⁵⁰ Ngoanana enoa e leng moratuo, Ntate, ka Lebitso la Jesu e re Morena a hauhele, toèlo ea hae re e kopela Tlotlisong ea Molimo.

²⁵¹ Molimo, re tseba sello sa pelō ea 'mè enoa le sello sa morali oa hae. Molimo, mo abele tumelo hoseng hona, le ho e sebelisa hona joale, ho mo tseba a ruile matla holim'a eona. 'Me e tla etsoa, ka Lebitso la Jesu Kreste.

²⁵² Molimo, folisa moshanyana enoa, re rapela ka Lebitso la Jesu Kreste.

²⁵³ Molimo, Ntata rōna, re bea matsoho holim'a khaitseli ea rōna re U kopa ho mo abela kopo ea hae hoseng hona. Ka Lebitso la Jesu Kreste. Amen.

²⁵⁴ Ntata rōna oa Leholimo, ere mofumahali enoa a sa tlie ho nka malulo a hae pholisong ea hae, re 'meha matsoho holimo re mo kopela pholiso. Ka Lebitso la Jesu Kreste. Amen.

²⁵⁵ Holim'a ngoana e motle enoa ea ratehang re bea matsoho a rōna, ka Lebitso la Jesu Kreste, ho qella pholiso.

²⁵⁶ Lebitsong la Jesu Kreste, re beha matsoho holim'a khaitseli ea rōna, U ke u mo folise joale.

²⁵⁷ Ntata rōna, Ea Leholimong, Lebitso la Hao le khethehe, re beha matsoho a rōna holim'a moena enoa. Ka Lebitso la Jesu Kreste, a ke a E lumele. Amen.

²⁵⁸ Ntate oa Leholimo, holim'a moena oa rōna ea khabane mona, mohlanka oa Hao, monna oa Molimo, re 'meha matsoho holimo kopo ea hae e tle e abjoe. Ka Lebitso la Jesu Kreste a nke litulo tsa hae hona joale. Joale, mora oa Molimo ke enoa, nakong e bokoang ena, oho Morena.

²⁵⁹ Ntate oa Leholimo, holim'a khaitseli ea rōna e monyenyanee ea tsoileng lefifing le tiileng ho tsamaea Leseling, abela, Morena, hore soulu ea hae e khabane e tle e phahamisetsoe holimo hoseng hona, lipakapakeng tsa Leholimo. Le ho mo abela kopo ea hae—ea hae, ka Lebitso la Jesu. Amen.

²⁶⁰ Ntate oa Leholimo, re behile matsoho a rōna holim'a moena oa rōna mona ka Lebitso la Morena Jesu, ho kopa qelo ena ho abeloa eèna. Ka Lebitso la Morena Jesu Kreste. Amen.

²⁶¹ Ntata rōna oa Leholimo, re bea matsoho a rōna holim'a lesea la Khaitseli ea rōna, le ho mo kopela ho neoa kopo ea hae, Ntate, re sa bea matsoho a rōna holim'a hae ka Lebitso la Jesu Kreste.

²⁶² Ntata rōna oa Leholimo, re bea matsoho a rōna holim'a khaitseli ea rōna, ka Lebitso la Jesu Kreste. Kopo ea hae e abjoe, ka Lebitso la Jesu. Amen.

²⁶³ Ntata rōna oa Leholimo, khaitseli ea rōna o feta moleng oona e le ho lumella...re mo bea matsoho holimo, a Kreste oa Molimo a atamele joale a khaleme bothata a mo phekole. Amen.

²⁶⁴ Ntate oa Leholimo, holim'a moena oa rōna, re mo bea matsoho re kopa hoo ka Lebitso la Jesu Kreste, hore U tle u mo folise ka Lebitso la Jesu. Amen.

²⁶⁵ Ntate oa Leholimo, holim'a ngoanana enoa re bea matsoho a rōna, le ho kopa Morena oa rōna ea bokoang. Ka Lebitso la Jesu Kreste, re kopela pholiso ea hae. Amen.

²⁶⁶ Morena oa rōna ea bokoang, re bea moena oa rōna matsoho, ka Lebitso la Mora Molimo, Jesu Kreste, Eo re leng ba fetisang bahloli ka baka la Hae. 'Me re U kopa ho nea moena oa rōna kopo ea hae, ka Lebitso la Jesu. Amen.

²⁶⁷ Ntata rōna, holim'a moena oa rōna mohlanka, lesojana lena la Sefapano, kea rapela, Molimo, hore Moea oa Hao o theohele holim'a hae le ho aba kopo ea hae. Ka Lebitso la Jesu Kreste. Amen.

²⁶⁸ Ntata rōna oa Leholimo, holim'a mohale enoa oa lesole la Sefapano, esale a emetse Lentsoe la Hao mehleng ea—ea nyatso le lintho tse joalo, leha ho le joalo a tiisetsa Lentsoe, a tloha e le ea fetisang mohloli ka ho Kreste Jesu. Mo abele kopo ea hae, Ntate. Ke rapela thapelo ea ka 'me e etsetsoa eèna e hlohonolofalitsoe ke Uena, Morena, hore U tle u mo phekole le ho mo nea kopo ea hae. Ka Lebitso la Jesu. Amen.

²⁶⁹ Ntate oa Leholimo, lesea lena le ke ke la phela ka ntle ho Molimo, empa Molimo a ka le phekola. Ke le bea matsoho 'me ke khalema sera, ka Lebitso la Jesu Kreste. Hlohonolofatsa ngoana, 'me U mo thused ho atleha ka Lebitso la Jesu Kreste. Amen.

²⁷⁰ Ntate oa Leholimo, ho khaitseli ea rōna, eo re mo beang matsoho ka Lebitso la Jesu Kreste, tabernakele ea Molimo e hlolang e entsoe nama ea ba ea aha har'a rōna. Ka Lebitso la Hae, Lebitso le lokileng la Mora eo oa Molimo, Jesu Kreste, nea khaitseli ea rōna kopo ea hae. Amen.

²⁷¹ Khaitseli ea rōna Kidd, ho bokoe pelō ea hao. Ntata rōna oa Leholimo, e re matsohong a rōna ke sa tšoere motsofe ona oa monna le mosali mona, ea rerileng Evangeli ke sa le moshanyana feela, o ne a robetse a bolaoa ke mofetše matsatsi a 'maloa a fetileng; ka mo titimela, eaba matla a Molimo a theohela holim'a monna oa lilemo tse mashome a robeli a mo folisa, lingaka tsa ba ngotla mohoasa o hlollang, li sa utloisise. Ke U rapela ho aba kopo ea hae hoseng hona. Mohatsa'e ea bokoang, Morena, ea hlatsaelitseng holima lepolanka ho romela molekana'e tšebetsong ho rera eona Evangeli ena—ena e Fophang mali ea Jesu Kreste. Aba sena, Morena.

²⁷² Hlohonolofatsa mora oa bona, Junior, Morena. Re U rapela ho mo phekola le ho mo baballa a koenne, Morena. Ke tšehetso ea bona ho tloha tulong ho ba isa tulong e 'ngoe, ho ea bea lisakatuku. Leha koana ba tsofetse hoo ba sa khoneng ho kena masimong, empa ba tloha sepatala ba etela matlung, ba bea lisakatu holim'a bakuli. Molimo, U tla hlompha seo, ke U tseba u tla etsa hoo. Ba hlohonolofatse u ba natlafalatse matsatsi a tlang ho tla, Ntate. Ka Lebitso la Jesu Kreste. Amen.

²⁷³ U hlohonolofatsoe. E tla etsoa, Moena Kidd, e tla etsoa. [Moena le Khaitseli Kidd ba buisana le Moena Branham—Mong.] Ho bokoe Molimo. Amen. E, eèna eo re mo rapeletseng ka mohala.

²⁷⁴ Mona le mosali ba lilemo tse mashome a robeli, le ho feta moo, ha ba sa khona ho tsoela masimong le ho ema sefaleng, ba tsofetse haholo nakong ea joale ho rera ka tsela eo, empa ba li romela tlase mono ba nka liphutheloana tsa liaparo tse

rapeletsoeng ba li romella ba kulang le ba hlomohileng, ba li isa lipatala le nthong eohle ka mokhoa oo. Ho li bea holim'a... Ha ba sa khona ho tsoa le ho tšehetса tšebebetso ka mokhoa oo, empa ba etsa ka bokhoni ba matla a bona. E tlameha ho re hlabisa lihlong rona bacha. Ke hantle, ke ho etsetsa Kreste ho hong.

²⁷⁵ Hopolang, monnamoholo enoa mona, Moena Kidd, o rerile Evangeli le pele ke hlaha. Ke hantle, ka ntle mono a rapella bakuli, mohale oa lesole. 'Me ke enoa, o tsofetse, u holile ha kae, Moena Kidd? Lilemo tse mashome a robeli a motso o mong, o sa ntse a sebeletsa 'Muso oa Molimo! O tsofetse haholo ho ema sefaleng le ho kakatlela molaetsa joalo, empa o ea sepatala, pel'a mealo, moshanyana oa hae o mo kuka a mo isa hohle ka koloi. 'Me ha ba khone ho tsamaea, ka hona ba nkuoa ka koloi ba isoe tulong e itseng, batho ba babeli bao, bathoana ba khale ba babeli, ebe ba kena ka mono ba bee sakatuku holimo bona.

²⁷⁶ Moratuoa oa bona o ne a le ntšing tsa lefu, ngoanana, ba mpoleletse tsatsi le leng. Eaba re rapella, setloholo, ra tloha ho bea... Ngoana o tsohile joale. Ho bokoe Molimo!

²⁷⁷ Moena Kidd, ba kile ba ntetsetsa nakoana e fetileng mona, lilemo tse ka bang peli tse fetileng, kea kholoa, e se e le tsona, a jeoa ke kankere ea prostate, lilemo tsa hae li ka ba mashome a supileng a metso e robeli, kapa mashome a robeli, kapa a atametse lilemo tse mashome a robeli, a jeoa ke kankere ea prostate. Lingaka tsa e tèla feela, ho se letho le ka etsoang. Re ile ra potlaka, 'na le Billy re phomotsana ho khanna, ho fihla ho eëna. Eaba hoseng hoo Moea o Halalelang o re laela ho ea. Ka tloaelo ha re etse letho pele re etelloa pele ho le etsa. Eaba Moea o Halalelang o re, "Tloha," eaba rea tloha rea ea bea mothaka eo oa motsofe matsoho, ho mo rapella. 'Me lingaka ha lia fumana le mohlala oa eona hohle. Thoriso ho Molimo! Oh! Hobaneng? Malulo a rôna a ka ho Kreste Jesu, ho phahamela holim'a maloetse oohle le matla a sera.

²⁷⁸ Oh, na ha le a Mo thabela?

Ba batho ba teng hohle-hohle,
 Bao pelō tsa bona li tukang hle
 Ka Mollo o tšolohileng Pentekosta,
 O hloekisitseng oa ba oa hlatsoa;
 Oh, o tuka pelōng ea ka joale,
 Oh, ho bokoe Lebitso la Hae!
 Hase le thabo ho ba e mong oa bona.

Oa bona, oa bona,
 Hase le thabo ho ba e mong oa bona;
 Oa bona, oa bona.
 Hase le thabo ho ba e mong oa bona.

Leha batho bana ba sa bala,
 Le ho iphafa ka 'tumo ba lefatše,
 Bohle ba fuoe Pentekosta ea bona,
 Ba innoe 'Bitsong la Jesu;
 'Me ba rera joale, hole le haufi,
 Matla a Hae a sa tšoana,
 Hase le thabo ho ba e mong oa bona.

²⁷⁹ Bao e leng e mong oa bona ba kae? Phahamisang matsoho a lona joale:

...bona, oa bona,
 Hase le thabo ho ba e mong oa bona;
 Oh, e mong oa bona, e mong oa bona,
 Hase le thabo ho ba e mong oa bona.
 Tloo, moena ka, batla leseho lena hle joale
 Le tla hlatsoa pelō sebeng,
 Le llise mangene a thabo
 Le tukise moea oa hao;
 Oh, le tuka pelōng ea me joale,
 Ho bokoe Lebitso la Hae,
 Hase le thabo ho ba e mong oa bona.
 Ke oa bona, oa bona,
 Hase le thabo ho ba e mong oa bona; Alleluia!
 Oa bona, oa bona,
 Hase le thabo ho ba e mong oa bona.
 Ba bokane phaposing e holimo,
 Ba rapela 'Bitsong la Hae,
 Ba ne ba tlatsitsoe Moea o Mokhethoa,
 Ha fihla matla a tšebetso;
 Se filoeng bona ke Eèna tsatsing leo
 Le uena A ka u nea,
 'Me hase le thabo ho ba e mong oa bona.
 Ke oa bona, oa bona,
 Hase le thabo ho ba e mong oa bona; Alleluia!
 Oa bona, oa bona,
 Oh, hase le thabo ho ba e mong oa bona.

²⁸⁰ Joale re sa e binela ka marameng, ha re tsukutlaneng ka matsoho. Re re:

Oa bona, oa bona,
 Hase le thabo ho ba e mong oa bona; Alleluia!
 Oa bona, oa bona,
 Hase le thabo ho ba e mong oa bona.

²⁸¹ Ha le joalo? E reng, “Amen!” [Phutheho e re, “Amen!”—Mong.]

Oa bona, oa bona,
 Hase le thabo ho ba e mong oa bona;
 Oa bona, oa bona,
 Hase le thabo ho ba e mong oa bona.

²⁸² Na nka bina temana ena hape?

Leha batho bana ba sa bala. (Ha ba apesoa lintho tsa litonana tsa D.D., bo-Ph.D., u a bona, lilohali tseo ha li eo, ua bona.)

Leha batho bana ba sa bala,
Ha ba iphafe ka 'tumo ba lefatše,
(mokhatlohali oa mofuta)

Bohle ba fuoe Pentekosta ea bona,
Mang le mang o innoe 'Bitsong la Jesu;
'Me ba rera joale hole le haufi,
Matla a Hae a sa tšoana,
Hase le thabo ho ba e mong oa bona.

Oa bona, oa bona,
Hase le thabo ho ba e mong oa bona;
Oa bona, oa bona,
Hase le thabo ho ba e mong oa bona.

Oh, leha nka rua limilione tsa gauta ea lefatše
ho tela tulo ena,
Leha sefefo se . . . ha se lese ho nqophella,
Ke bolokiloe nqalong ea Molimo, ke thabile
leratong la Hae le mohau,
'Me ke phela mosikong oa Alleluia!

²⁸³ Oh, khili! Ke thabetse hoo haholo. Lona le reng? Na ha lea thabela ho ba e mong oa bona? E mong oa bona feela, e mong oa batho ba ikokobelitseng bao ba iphophothileng, ba namalla (e seng pel'a sesèto), pel'a Molimo o phelang, (hase pel'a mokhatlo le ho ngola lebitso la hao bukeng), pel'a Molimo o phelang (hase ho thothokisa tumeloana), empa ho lumella Lentsoe ho fetoha nama ka ho uena. Ua bona, ke eona. Le ho ikokobetsa, 'me ka hono A u phahamisa, (e seng ho ikakasa, ho hlalefa, ho re "Ke sena, sane kapa se *seng*"), empa ka boikokobetso, mosa, le "ha tla joang hore A boloke ea soro joaloka 'na, ebe O e khonne joang le ka mohla?" Mokreste oa makhonthe o ikutloa joalo. Ha le e lumele na? Oh, ehile Ke oa sebele!

Sebele, sebele, Ke sebele ho 'na!

Oh, sebele, sebele, Ke sebele ho 'na!

Leha batho ba Mo belaela, ntle le Eèna nka se phele,

Ke Mo rata ke hona, etsoe Ke sebele ho 'na!

Sebele, Ke sebele ho 'na! (Se bineng!)

Sebele, sebele, Ke sebele ho 'na!

Leha batho ba Mo belaela, ntle le Eèna nka se phele,

Ke Mo rata ke hona, etsoe Ke sebele ho 'na!

²⁸⁴ Oh, oh, ke thabetse hoo haholo! E, monghali. Oh, ke thabetse tsela ena ea Evangeli ea khaleng, ho phela tseleng e khanyang ena ea Evangeli ea khaleng.

²⁸⁵ Joale, metsoalle, ho fihlela re kopana Teroneng ea Kreste hape, ha le rapela, le nkhopole. 'Me Molimo a hlohonolofatse e mong le e mong oa lona. Nke ke ka re ke masoabi ho le tšoarella mona.

²⁸⁶ Joale, ho lona ba robalitseng lisakatuku mona, ke li behile matsoho re sa rapella bakuli, haeba le ntемohile ha ke etsa hoo hang ha Moea o ne o fihla. Ha kea kena liponong tse ngata, hobane kea tšerema, ke khathetse, u a tseba, mona ke se ke qetile lihora tse peli kapa tse tharo joale, ho rera, ka qala ka tšoarana le tse 'maloa moleng ho le bontša hobane Molimo ke Molimo. Ua bona? Ntho e ke keng ea etsoa, mohlolosemaka, tseo ke lintho tse sa fihlelloeng... Liabolosi...

²⁸⁷ Joale, hopolang, e mong le e mong oa lona o ruile matla ka ho Kreste. Ha u na matla, u na le borena, borena ba hao. U mpa u phahamisitsoe feela, holimo koana; ha se ho iphamisa bouena, empa ke Kreste ea u nyolotseng. Ha Kreste a u nyolla ho feta, u batla ho theohela fatše ho feta, ua bona, u ikutloa u nyenyefetse. Ha tla joang hore A pholose ea soto joaleka 'na, ebe O e entse joang? Empa O e entse, ka baka leo ke e lebohela haholo. Amen! Ho hote haholo!

'Bitsong la Jesu ba inama,
Ba namalla maotong a Hae,
Khosи ea Likhosi O tla tlotloa Leholidong,
Ha eto la rōna le felile.

'Bitso le ratoang ('Bitso le ratoang!), oho le monate!
Tšepo ea lefatše le thabo ea Leholido;
'Bitso le ratoang (Oh, 'Bitso le ratoang! Na ha
A babatsehe?)
Tšepo ea lefatše le thabo ea Leholido.

²⁸⁸ Joale, mame lang, le se lebale sena. Lona le bine lehlasso, 'na ke tla bina temana ea sona. Ua bona? Ha ke tsebe haeba ke hopola temana ea sona eo ke batlang ho e bina, ke ntho e latelang.

'Bitsong la Jesu ba inama,
Ba namalla maotong a Hae,
Khosи le Likhosi oa Leholido O tla tlotloa,
Ha eto la rōna le felile. (Ua bona?)

Inkele 'Bitso la Jesu,
Sa thebe sefing ka seng;
Meleko ha e u likanyetsa,
Bulula 'Bitso le halalelang thapelang.

Ke phetho. Phahamisa letsoho leo u utloe mariki ha a tsetsela! Ua bona? Ua bona?

Bulula 'Bitso le halalelang thapelang.

'Bitso le ratoang, oho le monate!
 Tšepo ea lefatše le thabo ea Leholimo; 'Bitso
 le Ratoang (Oh, 'Bitso le ratoang!),
 Oho le monate!
 Tšepo ea lefatše le thabo ea Leholimo.

²⁸⁹ Ha re e phetheng hape, rōna bohole 'moho. Le re'ng? Ha re phetheng temana eo hape, mabapi le, "Inkele 'Bitso la Jesu, sa thebe sefing ka seng." Ha re se bineng joale re koetse mahlo a rōna.

Inkele 'Bitso la Jesu,
 Sa thebe sefing ka seng;
 Joale mamelang. Ho etsa'ng?
 Ha meleko e likanyetsa,
 U tšoanelo ho etsa'ng?
 Bulula 'Bitso le halalelang thapelang.
 'Bitso le ratoang ('Bitso le ratoang!), oho le
 monate!
 Tšepo ea lefatše le . . .

[Moena Neville o buisana le Moena Branham—Mong.] (Ha ke khone. Che, kea—kea batla ke chele lentsoe, ke se ke chele lentsoe, ka baka leo nke ke ka bolela . . . ? . . . Na u batla ho qhalanya . . . ? . . . Che, ho itoketse, u ka tsoelapele hantle, ke botle.)

Tšepo ea lefatše le . . .
 Moena Neville, molisa oa lona, joale.



BOKRESTE KHAHLANO LE HO ADORA LISÈTO SST61-1217
 (Christianity Versus Idolatry)

Molaetsa wona, ka Moena William Marrion Branham, o rerilwe sethatong ka Senyesemane ka Sontaha hoseng, Tšitoe 17, 1961, mane Tabernakelé ea Branham, e Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
 58 DISA ROAD, ADMIRAL'S PARK, GORDON'S BAY 7140 WESTERN CAPE
 REPUBLIC OF SOUTH AFRICA

VOICE OF GOD RECORDINGS
 P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org